

棗林雜俎義集

彤管

孝慈高皇后無子

宮人戴氏書

恭恪惠榮和靖皇貴妃鄭氏端氏

孝節烈皇后

妙錦皇姑

金灑出妻

項襄毅胡婦

女化男

莖婢再生

韓烈婦

安妃姚氏

沈瓊蓮

孺人范氏

何夫人紫金掠

會稽范氏二女

婦人生鬚

貞女節婦解

張安人柩白花

秦昭奴

陳氏遺荒詩

錢塘劉氏女

文婢

蘓州義姬

秦良玉

彤管志餘

技餘

石續

張雷王八十

萬曆末方士

薄子珏

土司

雲南

空玄

佛蛻

阿育王舍利子

宋濂前生書華嚴經

觀音夢感經

寶金和尚

智慧菩薩

憨山和尚

密雲和尚

僧佛日送雲

像不惹塵

吳江張烈婦

義妓陳氏

命婦能詩

難婦

忠順夫人書

志惟

鄧雲翁種牙方

牟康民

蔡鼎

柳敬亭張南坦二傳

貴州

阿羅漢

藏經

佛牙

僧娶妻室

達觀和尚

關頭陀

達摩石像

僧大香反史詩

祖師像

求履僧

僧誑

神樂觀歲給

桃林老道人

張福

高古峰

道人火道

荀道人

烟鑿

柄相末路

矯偽

匿喪

豪橫

奢侈

偏嗜

凶逆

綿候

五行

子日

制日伐日

上巳

火節

市日

天門

風

張真人印劍

張三丰

道人題壁

馬自然求載通志

呂仙自序

麻城道士

天主教明教附

矜炫

貪暴

侵地

黠猾

纖番

淫蕩

雄日

上戊上丁

立春

黃梅雨

中秋十六日

朔望行香

月

二雨辨

雀錫

江南二十八景

男產

雞腹小兒

大明門黑氣

集異

名勝

石經山石經

二郎山石彈

陰陵山

天台山仙女

玉華山

伏龍山

孔子山

成山

東浮山

銅鼓山

飛來峰

六真洞

燕子巖

鷺公坡

四道三谷

仙人籬

永義鄉

雷

日本小曆

人疴

飛席

鳳陽鼓樓

金窰山朱書

石鏡山

齊雲山善惡

仙居山蝌蚪篆

黃雲山

玉泉山

太山

青山

羅浮山

金陵岡

回鴈峰

燕子洞

七盤坡

櫃兒崖

大庾嶺

天花里

仁義鄉

蔬粮墩

夏惟石

棗陽石

天涯海角石

文石

鳳凰石

松花石

石木魚

石田

地鏡水影

甜土

里牛

佛蹟

城郭氣

劉炳文海舟紀程

沁雪石

中丞石

望夫石

雙魚石

僧化石

閑索石

石箭

石樹

水晶營

五色土

田名

苧蘿村

佛光

古赤壁

棗林雜俎 義集

彤管

孝慈高皇后無子

孝陵享殿 太祖高皇帝高皇后南向左淑妃李氏生 懿文

皇太子秦愍王晉恭王次皇 妃 氏生楚王魯王代王郢王

齊王谷王唐王伊王潭王又次皇貴妃 氏生湘王肅王韓王

潘王又次皇貴人 氏生遼王又次皇美人 氏生寧王安王


俱東列碩妃生 成祖文皇帝獨面向見南京太常寺志 孝

陵闈人俱云 孝慈高皇后無子具如志中而王弇州先生最

博核其別集同姓諸王表自 懿文 成祖外秦愍王棟晉恭

王 櫛周定王 櫛俱母 高皇后楚昭王 櫛母昭敬太元妃胡氏

鹽官談遷孺木著



齊庶人樽母定妃達氏譚王梓俱達氏出趙王杞母氏魯荒
王檀母寧妃郭氏蜀獻王椿代簡王桂谷庶人穗俱母惠妃郭
氏湘獻王柏母順妃胡氏肅莊王模母。妃邱氏岷莊王棟母
妃周氏韓憲王松母。妃周氏潘簡王模母貴妃趙氏安惠王
樞母。妃氏遼簡王植母。妃韓氏慶靖王榘母。妃余氏
寧獻王權母。妃楊氏唐定王榿母賢妃李氏鄧靖王棟母惠
妃劉氏伊厲王樸母麗妃葛氏吾學編諸書俱同抑未考南太
常志耶享殿配位出自宸斷相傳必有確據故志之不少諱而
微與玉牒相牴牾誠不知其解或曰宋史杜太后生邕王光濟
太祖太宗秦王廷美夔王光贊而廷美傳云母陳國夫人耿氏
非杜太后也鳴鳩之德均愛七子可以知。高皇后笑而高
皇后無子可諱他王母以諸書及太常寺之志較之多不合楚

魯代鄆齊谷唐伊潭九王同母亦奇。高皇后遺履藏奉先殿
脩。寸組雙鳳首綴大珠歲六月六日曝之。
女官黃惟德南海人洪武廿年選入宮命為司寶初名阿妹永
樂初賜今名信任益隆宣德七年乞骸南歸。皇太后名命留及
為詩賜之皇明列聖御寰宇偉烈弘謨冠千古重惟仁化本家
邦內廷百職需賢良咨爾惟德女中士自少從容知禮義一從
應召入皇宮夙夜攷。勤乃事昔時黑髮今如霜歲月悠。老
將至九重聖主天地仁欲使萬國同陽春體茲德童賜歸去乃
心感激情忻。嶺海迢遞千萬里潞河官棹春風裡賜衣宮錦
溢光輝親戚相迎人總喜。爾富貴歸故鄉我心念爾恒不忘
綠筆題詩意難盡自極天南去雁翔其姪女即大學士梁儲母
也亦累贈至一品夫人同時有葉女官者番禺人少有淑質通

列女傳洪武廿四年聞其孝敬選入宮擢為女官因召其父碧
山弟祖道詣闕賜宴俱授錦衣衛鎮撫賚以帛復其家又有王
司錄者番禺人永樂二年選入宮時年少權妃方見幸特推同
輦之愛固辭曰臣妾嫠婦也安敢充下陳哉上重之從其意
司錄有文學能詩蓋宋昭容之流而持操過之所作宮詞至今
人猶傳誦

洪武廿年詔選民間淑女入宮分司陳六尚番禺陳二妹字
瑞貞仲裕女也貌端莊與焉入見使並六尚事陳善六書晚大
義精女工嬪嬙皆師事之人稱為女中君子二十四年命為司
錄賜帑省仍給祿眷其家閨範嚴肅人罕見其面有司候饋皆
辭卻之文皇即位以司錄熟知典故召復原職年四十以病
終于官遣中使護喪歸葬

永樂中賢妃權氏順妃任氏昭儀李氏婕妤呂氏美人崔氏俱
朝鮮國王李芳遠所進權妃稷粹善吹玉簫見幸永樂八年從
征還至臨城薨謚恭獻芳遠驛送妃以永均至食光祿大夫祿
尋遣歸正德中卒賜有嘉白金米布權妃薨後司錄王氏作
宮詞瓊花移入大明宮旖旎濃香韻晚風贏得君王留步輦玉
簫嘹唳月明中蓋指權妃也

安妃姚氏

憲廟安妃姚氏嘉興人家質習緝緝貿市目無忤視嘗盥見饋
水中有日月雲霞五色扇夾侍甚怪之應選入宮髮數種不
盈尺登舟過平望一夕髮長委地今地名曰八尺後進位安妃
生壽王妃弟福圓拜錦衣衛指揮同知子錦孫承勳累歷千戶
嘉興府志今秀水太子太保工部尚書姚思仁即姚妃後按宋

陸游入蜀記過平望二十里曰八尺則前說殊謬且麗人之選法必應圖玄夷之髮其光可鑑安事種之為也

宮人戴氏書

戴氏湯溪人選侍坤寧宮三見御弘治十年太監竇某來縣宮人手書寄問母弟安否離別思憶之情悽然滿紙今其書具存并有宮中小畫等物

湯溪縣志

沈瓊蓮

弘治間女學士沈瓊蓮字瑩中烏埕人寄兄詩疎明星斗夜珊
珊月貌花容列女官風逆鳳凰天樂近雪殘鴉鵲曉樓寒昭儀
引駕臨丹宸尚覆薰衣藝紫檀肅六宮懸象魏春風前殿想
鳴鳶又宮詞十首
香霧濛濛翠碧隱青燈的的燦銀缸內人何處教吹管驚起庭

前鶴一隻

倦把青絨繡紫紗閣針時復卜燈花明朝太后長生誕可有恩
波徧及麼

萱蔻花封小字絨寄聲千里落雲帆一春從不尋芳去高疊香
羅舊賜衫

天子龍樓瞥見粧芙蓉團殿試羅裳水風涼好向西坐專把書
經教小王

曉臨鸞鏡整梳粧高髻新興一尺長花影鎖窓人下直開籠自
放雪衣娘

明窓棐几淨爐薰閒閱仙書小篆文畫永簾垂春寂寂碧苑花
映石榴裙

海東青放渡遼烟天上群鷺得自專勅諭鷹房高索價聖王廿

載絕游畋

御柳青、燕子愁萬條齊水弄春柔東風不與閒人贈誰去江南洲

尚儀引見近龍床御筆親題墨潘香幸得唱名居第一沐恩舞

蹈謝君王

翠絲蟠袖紫羅縵偷把黃金小帶舒中使傳宣光祿宴內家學

士昨新除

右沈氏董毅碧里雜存載其一云送弟溥又悞為周氏吳興藝

文補載藝文八首

恭恪惠榮和靖皇貴妃鄭氏

鄭貴妃父承憲負甚以女許孝廉某為妾臨別悲慟孝廉憫之遣還不責聘鄭感甚既隻履予孝廉矢報已入宮大得幸念前

事忘其名命小璫售隻履於市索直若干無應者時孝廉計偕

聞而往合其履妃泣告於上非若人妾不及執中櫛矣止何

孝廉謁選得善地歷鹽運使張道藩說貴妃生福王常洵

有如意之愛上書其名於金盒屬妃藏之約他日東宮之徵

也辛丑十月皇長子受冊東宮貴妃不憚持盒泣訴上啟

之書皆融歎曰此天也錢塞庵相國說

端氏

天啟初選宮南都以於氏端氏進並入內偶啖麩端氏一箸於

氏再箸嫌其俗出之於氏尤妍麗

孝節貞肅恭莊毅烈皇后周氏

周皇后父奎寓京師奎微時寄食為人篋庫元配生子鑑繼丁氏生子某、及后後廢中宮以鑑從長不許初信王選婚終

安布素雖得祕服念其父貧輒資之初不意閔睦之咏也既

信邸即位后生東宮及定王貴妃田氏生永王悼靈王貴妃

漸寵謀奪嫡一日永和宮婢於金狻猊下誤觸定王田氏

居永和宮中宮弗善也上嘗召貴妃例御鳳輿小璫昇之

是日昇以宮婢上問故曰小璫多恣肆無狀問其實曰聞坤

寧宮小璫狎宮婢故逐之耳上色動即搜其處大得狎具蓋

宮人各侶其璫所謂對兒也上驟怒立譴諸小璫司禮太監

請少寬之如三殿下何小璫某年十八美姿制時傳中

宮命於外家幸不直中宮因慙恨成疾嘔血有老宮人謂曰

田氏宮中獨無對兒予亦可搜也果大得狎具上疑始釋都

督田弘遇聞之大怒喉貴妃上章引咎上意解令省嘗例開

中門從旁出且以章示中宮示無嫌也其章出御史湖南劉興

祥筆蓋弘遇所囑云貴妃省嘗亦屢矣壬午貴妃薨明春弘遇

進其少女年十三見寵欲即進封司禮太監其言貴妃以選入

非外進也乃止賜珠簾等有差亂後走天津珠簾猶存今為朝

士某妾

崇禎庚辰上因皇五子之愛特命各縣崇祀九天仙母廟

以上俱宮闈

孺人范氏

臨江府志范氏清江人博通經史洪武初召為女使授孺人為

宮中姆師一日高皇問前代何后最賢家法何代最正對曰

惟趙宋諸后多賢家法最正命錄進更誦聽之凡降內制多范

為定詔賜歸老於家

翁氏女師

晉江御史翁慶巡按四川不避權貴又勅往武當山獻玄武神
眼珠賜一品服止何坐累下獄慶無子長女詣闕上書請代
仁孝皇后召入宮留之三月為宮中女師人以比提索

林淑圓

莆田林淑圓按察使林時之女時觀政刑部坐累下獄發北京
營建淑圓年七歲擊登聞鼓訴冤 仁廟監國矜其幼斂之釋
時從任陝西到左臂和粥愈母疾長嫁西安左衛指揮使費銘
年七十

妙錦皇姑

徐中山達第三女妙錦 文皇帝欲娶為繼后女不可因不嫁
人為尼嘗論革除事謂 建文君當坐殿上以待 燕王至苟
不讓則死之何必自焚竄每語遜國事未嘗不痛哭也

玄君

正一真人張氏母妻封玄君

何夫人紫金掠

左軍都督何文輝夫人豐氏嘗入內呼為媳婦賜紫金掠一个
玉響杯一隻玉掠髮釵一副至今為家寶紫金掠溫潤水蛇毒
將此掠水解毒 點記 文輝子儀 衛指揮使

郭真順

郭真順潮陽人適周伯玉明初官兵下嶺南指揮俞良輔征諸
寨未下者伯玉居溪頭寨真順遮道上詩良輔曰將軍開國之
武臣早附鳳翼攀龍鱗烟雲慘淡蔽九野半夜捧出扶桑輪前
年領兵下南粵眼底群雄盡流血馬蹄帶得淮河冰洒向江南
作晴雪潮陽僻在南海濱十載不斷干戈塵客星移處萬里外

天子亦念遐方民將軍高名邁千古五 健兒猛如虎輕裘後
彎踏地來不減襄陽晉羊祜此時特奉明王恩金印斗大龜龍
又大開藩衛制方面期以忠義酬明君宣威布德民大悅把菜
一莖誰能奪黃犢春耕萬壑雲霓龍夜臥千秋月去歲壺陽戍
守時下車愛民如愛兒壺山蒼々壺水碧々至今歌咏之欲為
將軍紀勤績天家自有麒麟筆願為壺民歌太平磨崖勒盡鞞
山石良輔覽大悅一寨得全

金灑出妻

戶部尚書金灑妻董氏永樂七年妻兄董英瞰其在學讀書盜
其家物後灑 知搜得出官械英決斷妻亦遣嫁

會稽范氏二女

會稽范氏二女居賀家湖正統七年生好讀書姊適江氏迎月

而寡次許傅氏傅天二女并志別業垣圍其室并田十畝種獲
有時父率傭以入否則閉戶相對引溝灌田凡三十年共卜塋
止水墩以遺產祀祠之今過者遺穢輒得崇 會稽縣志

項襄毅胡婦

項襄毅大司馬忠初以刑部員外郎從駕土木陷 中餉馬與
胡婦善挾而南走四晝夜食盡胡婦度不兩活乃併糧自殺項
得入宣府後祀婦家廟

婦人生鬚

弘治六年五月應山人張本華婦崔氏生鬚長三寸見寶錄
嘉靖癸丑青浦魍魎鎮有婦人忽生鬚時縣差以事揖其夫
從壁間窺之以為男也夫亦無獲携婦以歸邑市聚觀甚眾明
年遂有倭變 青浦縣志

萬曆二十一年嘉興高彥平館華亭余塘宋氏其隣侍姬鬚長五六寸二十餘莖時年六十自二十三歲始生鬚拔去仍出至五十歲而止 包彥平集

女化男

正德七年平涼府太平橋下女子高四姐儗予故廬居化為男子生鬚名高雷今六十餘有二子 趙時春平涼府志

崇禎戊辰華亭莫氏女化為男子遂儒服裹中庚午嘉興屠用明見於陳眉公座上既去眉公指之曰此即莫氏女變男者

貞女節婦解

靜寧州曹氏聘於王守仁未嫁而守仁死曹氏聞之慟哭不食遂溢死趙中丞時春駁曰在家從父女與未嫁之夫胡死哉自經溝瀆耳作貞女節婦解 未娶曰士未嫁曰女士納采女家

受之氏名通焉曰聘未有夫婦也士莫鴈女家受之父命之東階母命之帷庶母及門內施鞶甲之以父母之命姆奉登車士御輪焉先婦而待諸里門至則揖以入共牢而食合卺而醕成婚禮焉故曰夫婦始易士女之名也婚昏也陰陽交際之時人道取焉是同生死故婦從一而終曰節也聘而未嫁非婚也女非婦也待姆而行、不踰閭以順父母故曰貞、者順正而固也女德也故婚姻之禮不備則貞女不行、則非貞矣士未迎父母未命姆勿待也而奔以哭士而事其親于律無服而強持服聞哀生于情、生于禮此之何禮而于士何情也不備禮其行謂之奔褒奔婦則逆義違親命則傷孝是宜為國大禁今取之而與節婦同論甚非禮也故曰大不可

按浚谷先生持論太苛予傷曹氏之志語曰陷水可既陷文

不活特錄其又以告淑媛母俾曹氏重柱也

塋婢再生

嘉靖初南充劉氏婢么女父嬖之母妬臨塋推入之三年後塋
母開穴么女伏棺上不死出言與其父處如恒時若夢中無少苦
苦張安人柩白花
泉州張守化贈君婦陳安人卒棺之前和發白花重樓數朵高
大可半尺香如蓮

韓烈婦

萬曆庚寅五月癸亥德州韓承業婦王氏殉節初承業沒戊子
孟夏誓殉之七日不食姑強之食糜遂絕鹽茹每晨哭燃香誦
佛不絕聲居二載忽治塋留偈几上趺坐室左戒人無近俄口
出火下垂色白如輕雲鼻流玉筋良久火徧體金色焰至數丈

光達十里而香火盡遺骨如生所坐土結蓮花千朵事聞撫按
為立祠表門

秦昭奴

定遠合肥間有亭曰響道旅店之東房萬曆末秦昭奴題詩二
首序曰妾本燕人幼依表兄李內官處撫育教訓頗習詩史年
十八嫁為江南士人側室雖愛有所鍾而分制於嫡春燈秋月
獨宿多愁長途旅館孤衾更慘夜深滴淚和墨成吟亦以寫斯
幽怨云爾 遼日一程又一程風沙拂面鬢雲輕鴛鴦有伴非
吾伴愁向孤衾數漏聲其一曰：長途馬上塵佳人薄命怨青
春小星千古稱賢淑坐對寒衾淚滿巾其二後書秦昭奴記時
某年月日也跋曰昔王昭君適胡曹大家能文而寡妾文不逮
曹境未適胡而有夫無夫咫尺胡越意頗似之用取小字以識

深愁後之文人君子倘憐而表章之君施惠不酬妾感且不朽
昭奴又記 熊人霖南榮集

陳氏遺荒詩

萬曆戊子金陵嫠婦陳氏作遺荒詩年來水旱作災屯疾疫家
家盡掩門兒女莫嫌全食粥眼前不死亦天恩

吳江張烈婦

吳江諸生張士相娶沙溪陳俊女士柏天遺女三歲其兄士松
利婦產以鄉人徐弘義子張程字之婦不聽乙亥十二月既朔
群党夜突入脅婦往死拒之不克士相從孫女故適徐氏因迎
于家越六日陳訴縣侯德清章日灼日灼杖其媒徐義以婦爭
之強刑其指拳曲不受遂囹婦謂在徐洪宅連夕無可白也已
婦出獄忿甚丙子三月訴按臺不得理四月既朔訴醮臺于松

江醮臺欲下吳江令婦計迫即自刎郡人義之厝東禪寺旁道
祭相望日灼竟憂死徐洪等各伏罪

錢塘劉氏女

錢塘江許劉元輔女字諸生吳嘉諫未行年十九夜嘗度簫隣
人張阿官故止賴聞聲依和又偵女貌夜躍上樓穴窺偪女
大呼賊元輔驚起繫阿官斃之未及旦阿官兄子養忠知其故
糾党斬門且鳴金號于眾曰元輔寔以女偃而又竄之女聞之
大恚自經訟于郡守光山劉夢謙而阿官謀于訟師丁玉蘭賂
元輔以女承污則罪不死郡守疑之陰訪其女故潔得元輔私
狀阿官論如律初嘉諫弔其女刺眉投孟水中不散謂處子也
拊屍大慟而丁玉蘭忽白晝見女自搏叩頭立死上虞倪尚書
元璐傳劉氏不言善簫

命婦能詩

福清林鴻官繕部郎中婦朱氏能詩嘗作詩勸鴻年十九卒鴻終身不娶

仁和陳德懿南康守敏政女適都御史李昂通達經典尤工詩詞有集四卷

當塗鄧賽貞國子監丞濮婦封孺人博學能詩有士齋集三卷子韶弘治丙辰進士官編修

仁和楊文纜工部員外郎應麟女為餘姚孫陞繼室能詩子銓編修滿封夫人詩稿附文恪公集行世

武定橋烈婦

永樂初誅建文遺臣以妻女發教坊配象奴有一婦題詩帶間赴武定橋河死詩曰不忍將身配象奴手提麥飯祭亡夫今朝

武定橋邊死要使清風滿帝都或云此松江謝氏婦也

華亭王鳳嫺進士張本嘉妻本嘉知宜春卒官艱辛自誓撫其子女開舉于鄉為懷慶同知封孺人有焚餘草隻燕遺音行世上元倪岳家宰婦氏有集

翰林陳沂繼室馬間卿能詩書法蘊長公善山水白描橫幅年

近八旬不廢吟咏有芝居集

楚女晚蘭和新嘉驛女子詩二首驛舍題詩今尚存斷煙荒草鎮重門多情況有千秋月夜三牆頭照墨痕碎壁沉珠最可

憐牆頭題恨墨猶鮮妖兔欲問啼何處不化鴛鴦化杜鵑鄞縣陳東官河南提學副使婦董氏少宰玘之女能詩凡后岡

福成轉共評定今董氏詩不傳

吳江沈宜修字宛君副使沈琬之女工部郎中葉紹表妻生三

女其仲季蕙細小鶯並工文墨中庭之咏不減謝家嬌女之篇
有逾左氏二女並未字而天宜修亦蚤世紹衣彙所著曰午夢
堂集行世

吳縣范允臨官福建參議婦徐媛字小淑工詩又有絡緯集
三水文氏翔鳳之姊適葛有君子亭詩賦三百餘首手抄書
六十卷少寡自誓作九騷九篇詞義典雅稱其風烈又翔鳳
婦武氏粗識字翔鳳稱其能詩有文武合刻武恭人沒繼鄧氏
翔鳳蓋陶艾婚夕翔鳳大書顛鸞倒鳳於室中鄧氏能詩甲戌
翔鳳得風疾壬午春卒甲申鄧氏事李自成今沒入范文程家
麻城王銍龍御史鳳韶女適劉守蒙十一年守蒙天忍死事姑
誓不踰閭父疾篤欲見之不歸寧也少讀書過目輒誦老而詩
益工年七十九日不見字猶使甥輩讀書坐側聽之李贄倡龍

潭菴高談佛東風動四方銍龍獨不往欲索札酬荅亦不許其
春日詩桃花暮雨煙中閣燕子春風月下樓幽閨永夜燈前泪
孤枕頻年夢裡愁秋月詩霜飛衾薄紅棉冷雲歛天高綠樹寒
病起詩對鏡面黃如菜色看書目眩似花生
海寧朱淑貞尚賢卿祚之女適周濟官光澤教諭幼聰穎博極
群書年八十卒有靜菴集十卷
桐城張秉文官山東布政使婦方孟式字如耀能詩庚辰濟南
陷秉文死之孟式投池中以殉少讀書有婦德有紉蘭閣前後
集八卷

鄞縣金文貞適王

子登進士官副都御史封太淑人有蘭

莊詩集

漳浦黃道周官禮部尚書婦氏工文翰

朝邑屈安人適韓邦靖詩文倡和如良友邦靖早世安人後十
四年而沒有女昇上書康海乞叙其母詩從之

女士

太倉薄少君庠生沈承妻承有高才而夫少君哭詩百首踰年
值志辰酌酒一慟而絕

天台貢士裴致中妻潘氏號碧天道人有碧天稿其題桃源洞
曰千年老樹萬年山洞口仙娥自玉顏劉阮當時那得見浪傳
浮跡在人間其一天接青山路萬重仙家洞口白雲通聽殘一
夜溪頭雨流出苑花幾片紅

黃安人遂寧人尚書珂之女為修撰楊慎繼室慎戍滇南博通
經史工筆札携之戍滇南後慎奔父喪安人留于蜀應家政閨
門嚴肅詩多不傳慎有詩答婦又別和三詞皆不及也

寄夫詩

雁飛曾不到衡陽錦字何由寄永昌三春花柳妾薄命六詔風
烟君斷腸曰歸曰歸愁歲暮其雨其雨怨朝陽相聞空有力環
約何日金鷄下夜郎

黃鶯兒詞

積雨釀春寒見繁花樹：殘泥塗滿眼登臨倦江流幾灣雲山
幾盤天涯極目空腸斷寄書難無情征雁飛不到滇南
劉雲瓊山西臨縣人孝廉趙祖之妻有水雲居詩自署曰離石
檻花居士

莆田黃幼藻字漢宮蘓州同知儀之女適林恭卿沉静知禮勇
沒竭力奉姑所居不蔽風雨近戚罕面年卅九所著有柳絮編
蘭溪舒大猷萬曆 貢士婦陸靜專工小詞以脂筆書字落

紅滿楮

閩縣儒士鄭坦妻鄧鈴字德和坦卒到雙耳自誓詔旌其門萬曆中嗣子雲鎬貴贈宜人有風教錄

山陰王素娥能詩文善女紅適胡節、死于燕城誓無他志年四十一卒

陸卿子吳人尚寶卿師道之女適太倉趙宦光宦光棄家廬墓與卿子偕隱寒山卿子能詩又有雲臥閣考槃玄芝諸集

李玉英錦衣千戶李英女父死弟承祖幼繼母焦氏有子謀奪廢毒殺承祖出其妹桂英而誣玉英以奸指其送春別燕二詩

為左論死玉英奏辨 世宗察其枉得釋

文侍

吳人陳寬孟賢侍姬曰梅花居士掌文墨

華亭王一鵬訓導善画居邗上俱侍姬供筆墨

直閣尚書

張天俊有青衣

善書

金陵史忠癡翁侍姬何玉仙能書繪解音律號白雲道人

閩人周玉簫武弁方輿妾輿上議撫紅夷忤大帥繫獄七年遣玉簫玉簫誓死不去及事解詣闕遇國爰又不得歸玉簫感慕

痛沒有詩一百三十首行世

妒內

都督蕭如薰夫人楊氏才而妒無子不容納適如薰與長安張生善言及嗣息悵然曰吾始絕矣張曰將軍當置別館于此從之果得子補諸生娶婦楊夫人尚不知也

義妓陳氏

萬曆乙卯楚椽某狎姑蘓妓陳氏傾囊毋厭之陳私留椽身托

疾他避求里中豪代椽得嫁之而所携索頗饒毫不累椽也歸
楚後同椽謁選北道鄱陽湖同舟徽人窺陳色藝間許椽千金
椽以情告陳、歎曰君裝薄果進千金可耳俄千金具別椽更
登徽人舟望椽帆發漸不復見拊膺嗟喟投水死明年椽還渡
湖中感陳設祭做風晦舟沒

蘓州義姬

蘓州姬某乙酉國變語所善客以死事俱狎笑之中秋買棹召
客泛太湖皎月空明鷓鴣首甚適忽顧影感歎置鷓投深流處
不及救

難婦

不画雙蛾向碧紗誰從馬上撥琵琶驛亭空有歸家夢驚破啼
聲是夜語其一日、牛車道路賒福身塵土向天涯不因薄命

生多恨青塚啼鵲怨漢家 其二 驚傳縣吏點名頻一分明漢
語真世上無如男子好看他鬢禿也驕人 其三 後跋云吳中羈
婦趙雪華題在郟城縣李家庄旗亭壁間

宮人廣陵張氏過崇德縣石門鎮題壁四首或云投河死 身
隨劫教從 愁聽胡笳聲可哀柔腸已似如針刺况值蕭、

夜雨來其一 深閨日、 鳶凰忽被干戈出画堂弱質那經罹
席口可憐兔夢繞家鄉 其二 繡鞋脫却換官靴女易男妝寔可
嗟扶上玉鞍愁不穩泪痕空迹馬蹄賒 其三

車騎麟、野店來憐我故鄉生死別花枝已向別園栽 其四
妾本虎林女也所逢不淑再罹干戈臘月甚寒挾之北上終日
坐破車中呼、筋骨欲脫寒風慘烈塵沙眯目塞馬悲鳴凄其
欲絕真蔡琰車中明妃馬上所不能彷彿者幾欲自盡念妾本

良家流落至此曾與魏里曹生訂終身交子願才士必不棄予
死之無名何如忍以相待已復念此乃又強食偶從將士閱省
錄知曹即已鄉薦旦夕公車至此恐謂妾已死遂爾捐棄故乘
暇竊書此詩令知薄命妾猶然西湖月下心也當妾與曹即晤
時六橋明月十里湖山澄波渺然萬籟蕭寂妾吹簫忽悲泣曹
即舉酒醜天曰勿憂終當貯汝以金屋妾改顏謝曰無媒妁何以
先是曹即嘗懷一扇妾甚愛其扇上詩為桐山方生名玄成者
作有云蒼碧倚千尋空江自古今浪翻舟 合廟枕碧流深等
句妾賞其壯涼高逸是時曹即即出其扇曰汝住此人詩此人
吾好友海內名士即以為媒妁可乎妾拜受之至今數瀆死不
去袖中又聞此生亦登鄉薦倘曹即不及見此萬一桐山生寫
目焉謂妾尚存亦不負當日以昏長公待先生意也西湖薄妹

宋娟和泪書

風動空江羯鼓催降旗飄颻鳳凰開將軍戰死

君王繫薄命紅顏馬上來

其一 廣陌塵沙滿髻鴉北風吹雨落

鉛華可憐明月墜篔簹引幾度穹廬伴暮笳其二 春風如繡綺如烟

良夜知心畫閣眠今日相思渾似夢竿來可恨是蒼天其三 盈

盈十五破瓜初也作明妃別故廬誰散千金效孟德鑲黃旗下

贖文妹其四 南莊勝處妾常憶借問軒車早晚游美景難忘竹

廊下好風爭奈柳橋頭其五 冰消見水多于地雪霽看山盡入

樓若待春深始同賞鶯殘花落却堪愁其六 妾命如朔風飄然

振落葉不入即羅幃乃迹塵沙陌妾本良家兒留落平原劫十

三工秦箏十五好筆墨樽酒柔歌歎泪濕江州褶人謂妾顏好

妾謂多生孽武林遇曹即心知不徒說忽爾天地崩遂令山川

別一為俗子羈再為干戈絕嗚呼大車中塵土滿鬢髻又騎那

一羊裘皴肌冷如鉄畫則強歡笑夜則潛哽咽誰為文姬哀文
姬猶邊關誰為明妃怨猶得封馬鬣而我薄命人終當染燐血
所不即就死心知曹即結曹即爾多情豈忘西湖月曹即尔多
智豈不諒我節曹即尔任俠忍妾委席穴曹即尔多交、豈無
豪傑媒妁扇上詩顛沛不忍徹忍死一相待悲酸難再說又聞
桐山生風流當世傑尔既善曹即何不一救妾
丙戌秋金華陷婦某俘入杭州行營庚寅六月其夫跡之以五
十金贖不許迨至百五十金終不許婦凝泪語其夫曰第藏其
金天下多好婦何我為其夫益至二百金終不許婦乘間引刀
自刎營卒怒剖腹搗其陰俄雷震死
新樂縣南關旅壁題曰妾本淮上弱質僻陋而無心戊子遭兵
變滿之狂丈夫以我北去壬辰復挾我南征過此偶遇之子盱

衡之間情溢于露氣幽于蘭嗚呼此誰氏之美也嗟余薄命感
而賦此 北去南來空自猜編愁為 幾時所妾心最慕漢天
子自將單于不敢來 造次相逢若有私自成那復畏人知胸
中歷、不然事可得對床說與伊

冬兒

良鄉妓冬兒善南曲入外戚左都督田弘遇家弘遇卒都督劉
澤清購得之以教諸少四十餘人其最姝麗者登兒也甲申澤
清欲偵二王存否冬兒請自往田氏探之遂男飾而北知二王
已絕遂南澤清鎮淮安書佐某無罪殺之收其妻澤清降北揖
政王贈宮女三人皆嘗御者澤清不辭而嬖之亡何內一人告
變揖政王錄其家及所奪書佐之婦澤清供書佐有罪殺之婦
明其非罪且云澤清私居冠角中謂事若迫不如反耳澤清誅

冬兒下刑部尚書湯

嘗飲澤清所出酒故識冬兒因曰

爾非劉家人遂免籍更嫁吳駿公作臨淮老妓行臨淮將軍擅
開府不關身強鬪歌舞白骨如何棄戰場青娥已自成灰土老
大猶存一妓師柘枝記詩開元譜總轉輕喉便泪流尊前訴出
漂零苦妾是劉家舊主謳冬兒小字唱梁州翻新水調教桃李
撥定鷓鴣弦授莫愁武定當日誇聲伎秋娘絕藝傾時世戚里迎
歸金犢車後來轉入臨淮第臨淮游俠起山東帳下銀箏小隊
紅巧竿射棚分画的濃粧毬仗簇花叢縱為房老腰肢在若論
軍容粉黛工羊侃侍兒能走馬李波小妹解彎弓錦帶輕衫嬌
結束城南狹彈貪馳逐忽聞金闕起黃塵殺氣奔騰滿川陸探
騎誰能來薊門空聞千里追風足消息無憑訪兩宮兒家出入
金張屋請為將軍走故都一鞭夜渡黃河宿暗穿敵壘過侯家

伎堂仍訝調絲竹祿山裨將帶刀弓醉擁如花念奴曲倉卒逢
人問二王武安妻子相持哭薰天貴勢依椒房不為君王收骨
肉翻身上馬遇南兵退駐淮陰止拔營寶劍幾曾求死士明珠
還欲致傾城男兒作健酣杯酒女子無愁出曼聲可憐西風怒
吹斷山陽樹將軍自撤沿淮戍不惜黃金購海師西施一舸東
南避鬱洲崩浪大於山張帆振柁無歸處重來海口豎降幡全
家北過長淮去長淮一去幾時還誤作王侯邸第看收者到門
停奏伎蕭條西市嘆南冠老婦今年頭捻白淒涼閱盡興亡迹
已見秋槐墮故宮又看春草生南陌依然絲管對東風坐中尚
識當時客金谷田園化作塵綠珠子弟更無人楚州月落清江
冷長笛聲、欲斷魂

秦良玉

山陰朱燦元總督雲貴川廣石柱宣撫司土女官秦良玉雅度
侃議廉從俱美少年朱公子壽宜訪之酒間微諷良玉笑引南
宋山陰公主云陛下後宮百數妾惟駙馬一人以荅
良玉屢勅兵討逆天啟辛酉永寧宣撫司使奢崇明叛據重慶
厚遺良玉求助良玉斬其使提兵進攻多斬獲

忠順夫人書

萬曆十九年七月六日欽封忠順夫人即三娘子上經畧總督
鄭洛書曰蒙差通官韓大友等費書到帳分付我盡知之回套
之事我恨不能即速登程奈因頭畜疲弱不能起身每想老大
人宣大總鎮之日曾受無窮恩典時刻思念惟天可表因泚河
失事一節寔首反背皇上洪恩有負大人擢舉將葦夷大
事一日有失幸蒙大人枉駕河西多承俯就其事乃不幸中之

幸也今蒙老夫人書諭由扁都經過套恐俱漢夷生事彼此壞
名節本上會同吉囊由肅州邊外于川底行走已差人稟知四
月起身我思肅州邊外路途遙遠况老夫人在彼多有勞苦意
要從鎮羌經過恥媿不敢開言如肯憐閔暗賜一音我自有主
意彼此方便我目前西海之地因為失事致將我自媿未敢計
些項之物今備絲銀十兩萬望老夫人神力轉布各色梭布八
十疋茶籠八斗白綾汗巾五十方礪砂二兩硫黃焰硝四兩砂
礪十個涼扇十把書柬紙一百張若肯賜發我世：不敢有忘
謹具此啟再拜又銀六兩買梭布十疋餘銀買茶大廟堂鄭老
先生大人臺下

彤管志餘

彤管自宮闈淑媛外無可述矣義妓難婦非法也蓋傷其志聞

其遇耳豈足語風教哉更有流聞似不欲棄併附之以資嗚喩
嘉興其善射道山東遇女子單騎行却接其矢反射之者三女
子呼曰君無相苦當下馬少有所語曰吾聞人多矣願事君
奉箕帚其從之挈婦作孟子湖叅客久之入燕不返沈天生比
部嘗識其人

芙蓉
甲申九月友人趙昌齡出杭之湧金門至剡園見題壁云芙蓉
花發滿堤紅畫道芙蓉勝妾容昨日多從湖上過行人何不看
芙蓉

金陵下荆璞同母寓武林西湖上作西湖遇雨詩重雲負我買
名湖博得蒼烟入畫圖柳去六橋春色斷雨來三竺遠山無滄
桑变换笙歌歇人事淒涼風月孤我欲才情寄蘓小西陵珍重
舊時鑪荆璞能書咏第其人不足道見于寄情蘇小矣

志恠

萬曆庚寅山西隰州有民婦居山中日汲澗水忽聞鳥呼曰山
要開山要開日呼于耳婦不以為异一日飛集扇上而呼婦歸
告其夫曰明日若呼當應之曰開便了果呼果應山旋崩出
藏經一部皆宋成德寫者卷末書興國村興國院造紙墨如新
聞諸有司散各名山樵李王大同等朝五臺亦隨往捧誦而歸

魏文紳

沙縣魏文紳官知縣善禱雨其術用大蝦蟆一隻作火字四十
九道納之腹中立壇瘞之山上三日而雨至暴雷震電雨罷于
瘞所失蝦蟆所在但不敢嘗試一日即龍硤立壇二日夜大雷
雨天明視之前池水皆涸魚無大小各剖為二文紳惧遂不復
試

棗林雜俎

技餘

石續

鹽官談遷孺水著

東昌某宦牡丹下噴：有聲坎之得物目茨：不食而息曹縣
石續曰此視內古帝王墓中物壙氣見矣止何其公卒充貳守
錢某毀堙城壩淫祠像臂流血駭之續曰蝙蝠血也時仲冬搜
得數斗曹縣志

鄧雲翁種牙方

嘉靖間閩縣鄧雲翁遇異人得種牙方患者飽食後吞藥七丸
復漱末藥湯諸牙立下以生鼠去皮和藥搗爛依牙之序逐枚
蘸鼠種牙原孔至死堅如少壯或老人牙脫以他牙種之亦如

生成

張雷王八十

沁水張雷操術甚秘嘗元夕同友觀燈揚州旦即還舍暑行求瓜濟渴主人不出袖出砒紙俄入免相逐斫其蔓主人大悔則呼犬免于袖瓜蔓如初後遇蛇當徑方呪禁蛇宛轉間爪角俱出長十餘丈雷擊立死特術不戒觸忌神物也

王八十善召鬼能拊有酒待客已未嘗沾也或夜致麗人如李夫人帳中所見予之即滅沒所經墟墓言逝者貌飾俱合友某求其術約齋三日俄私脯方符呪被雷震裸灼雪中以友誤我幾譴死卒無子沁水縣志

年康民

內江年康民少年抱異術不知所從授萬曆庚申正月投牒于

巡按御史黃陂吳之皞云明年辛酉九月蜀慶方作方伯朱公能平之今聞其入賀萬壽乞留任待以極我西人其另捧贖

捧者方伯朱公蓋右轄山陰燠元也之皞故好數學年十四補

諸生高等累舉不第從豫章術士游年四十五齠第至是覽牒

而異之方伯當入賀見之皞于夔州勉留之不得蓋朱母夫人

明年八十便道兼壽也之皞嘆曰蜀人無福請後期朱曰今秋

入賀訖因歸省明年正月進觴三月當看花錦城矣之皞許之

瀕別以叱馭是望明年春朱轉左轄赴蜀出黃陂訪之皞里第

時之皞按蜀竣過其里餞朱于郊出康民所投牒授之曰事甚

異君至蜀當物色其人而朱未即信迨九月重慶之友亟遣司

椽劉養鯤武毅華馳訪康民山中距內江邑三十里第舍三間

楹不受徵第曰有朱使君在何患成都百日之圍可堅守也及

園解又徵之辭曰年生不是今朝人九警輒叩：輒馳朱進巡撫後憂去己巳三月拜撫督之命開府黔中康民先寄札云使君重蒞黔蜀誠地方之幸八月安奢俱請從此造福十年但乙丙年置星正照燕都仲冬金人內入畿南白骨如麻天下漸擾又云燕京旺氣已盡戊寅入大劫徑德三十五年民不聊生丙子十月又札云康民已心厭凡世遠遁深山不復再候明年丁丑八月使君剋度不佳當乞休綠野以保餘齡否則戊寅之春將返樸還真矣少師疾跡康民不知所往先是巡撫劉漢儒學使何閔中招康民署中補諸生廩食日長臥語多不效乃放歸康民自稱又采子所著兵機纂等書

萬曆末方士

孝感程芸閣大司空註云萬曆末值方士京師言萬曆當四十

七年泰昌一年天啟七年崇禎十八年甲申夏程始述于人第疑崇禎差一算明年五月弘光皇帝出奔甲午都人擁立王之明云故東宮也初封中城嶽神為王仍稱崇禎十八年事尤奇

蔡鼎

永春蔡鼎無能諸生也好易學著易蔡等書博通象緯來長安出入塞上為大司馬幕府客然不能用也既久之乃南還其友人南雄推官泗州黃廷才于壬午預廣東秋闈語同事羅定知州上海包爾庚曰閩人蔡鼎近言崇禎曆不十八年國運中絕其怪妄如此時並笑之明年癸未秋鼎游金華時金華令江陰徐調元合樂饗之演說鈔傳奇見勾踐青衣渡江鼎輒哭徐令慰藉曰戲耳先生毋自苦鼎曰事即見之矣欲求青衣渡江可復得哉舉族北轅今日之泪殊不能禁徐令退後以請鼎曰予燕中望

氣三年氣且竭昨歲宿蘆溝橋三夕諦觀天氣竟無可為洒泣
去之金陵有王者氣楊州鎮江多氣稜蕪常杭嘉等耳金華禍
在不日恐予人不足殄也徐公私說异之居止何東陽許都

減數千人明年燕灾又明年吳灾始追憶其言包長明說

薄子珏

吳人薄子珏性敏悟書不再閱能縱橫成文嘗意製木童令司
啟閉奉客盤匝靈動如生其議北方屯田不必開井但相土
高下去沙五尺置乾草仍覆以土經日啟視其燥濕探水脉開
地功省利倍屯政舉矣

棗林雜俎

空玄 附天主教

佛既

釋迦佛真身在錫蘭山國

無量壽佛真身在廣西全州

吳康僧會真身在海鹽金粟山寺 明初移南京天界寺

梁番僧知藥三藏真身在韶州月華寺

唐長耳和尚真身在錢塘西山法相寺

湘潭縣湘山有唐僧真骸至今存土人祠禱輒應 頤璘息園存稿

阿羅漢

真臘國天竺僧僑陳如自西域來主其國至其首姓斜科名盾

鹽官談遷孺木著

多恩那者日漸強盛嘉興嚴從簡殊域周咨錄曰杭州淨慈寺
裝羅漢像五百以僑陳如為首今觀陳如特夷狄之主耳但教
人事佛寔非所謂白晝昇天降龍伏虎有諸佛靈異者也今乃
崇奉香火以為尊神則其誕謾可知矣

目連石塔

永年縣城二十里目連村有寺一小石塔為目連和尚墓

阿育王舍利

鄞縣西五十里鄮山晉太康二年沙門慧遠感從地湧出阿育
王塔其狀青色似石非石高一尺四寸廣七寸露盤五層四角
挺然中懸金色小鐘不盈三寸舍利綴于鐘下圓轉不定其光
搖曳若即若離隨人隱見繞塔四周俱是鏤空諸佛菩薩金剛
聖僧八部等像神功聖蹟非人力所及梁武帝造木塔籠之今

名廣利寺萬曆丙子平湖陸家宰光祚瞻禮初見舍利大如芡
實已如彈丸已大如瓜最後大如車輪五色變幻光采射目至
子泰和孔泰孔陵瞻禮舍利初視若黍米已如豆如蓮子同觀
者或見如新菱兩角垂絲：假如北珠或見如葡萄色或見如
桃瓣或見如金蓮花瑞相種：不一又秀水朱侍郎大啟禮拜
見如菘荳許色淡：如水晶踰頃忽微紅色次早諦觀之無有
也弘光初奸僧竊舍利去今綴以珠無異

達摩石像

嵩縣少林寺達摩面壁處崑山魏恭簡校督學河南以面壁石
與影石不同謂其妄命登封令侯泰鑿之今影石如故雖鑿不
為損

玉石佛像

弘治間慶雲縣人掘地得玉石佛像二一北齊天保八年造一武平六年造座上皆刻造佛文字併興造各人姓名自北齊至今幾二千餘年而此像既沒復出物之隱見信有數存焉慶雲縣志

寧夏銅像

寧夏方靈州城東北鉄柱泉旁有窟人莫敢入景泰間李其同一僕執燈以入行二十步推開一石門有銅鑄佛像旁有二僧屍覆以錦衾其面如生而金貝之類環其左右恐取之將出風颯、燈息門閉鼓鉦齊鳴李恐俱欲死盡棄諸物俄于旁窟匍匐而出明日集衆往掘之堅不能入机械如洛陽也寧夏鎮志

宋漁前生書華嚴經

宋景濂先生、時母夢僧云永明延壽手持血書華嚴經求借汝一室以完願後先生至蘇州半塘之聖壽寺恍惚前寺得經

于藻井上則前元聖壽僧善經所書、法如趙魏公端楷不苟八十卷如一多名僧題跋今在杭州赤山埠西大通寺中見馮祭酒夢禎日記按宋慶曆八年張方平以端明殿學士右諫議大夫知州事公為政清嚴一日游瑯琊山藏院輒俯仰因勅後吏助取梯掖陟梁得經函、有書寫楞嚴經半披玩忽悟前生故僧也寫未竟逝乃為終竟書、法宛然不殊歸二生經時、為人誦經首偈、云世間離生滅猶如虛空華知不得有無而興大悲心後授蘓東坡東坡序之仍為寫刻淳玉山龍游寺中藏經

國初重刻大藏經板留大報恩寺四方僧衆咸許募傳見永樂十一年義烏王徐華陽教寺閣記今南京刊板藏禮部僧衆非厚費三四百金不能得北京刊板在內府非特賜則奏請餘不

能得

藏經舊列六百三十七函祥于永樂庚子正統庚申成萬曆初

慈聖皇太后續列四十一函起華嚴玄談會玄記至第一希

有大功德聖記普陀山志

觀音夢感經

仁孝慈懿誠明莊猷配天齊聖文皇后嘗夢白衣大士口授數

千言覺而記之自製序入大藏

佛牙

嘉定尚書徐太室學模集云守荊州見孱陵二聖寺佛牙形模

詭異香氣襲人其詩孱陵佛牙如掌大妙香伴供弥陀座三水

文太青翔鳳集云見南京西天寺佛牙頗疑其非實蓋如

來佛四十二齒若生長二寸博寸許則面當如車輪矣此必異數

骨也予于南京天界寺見佛牙二寸博寸許瑩潤如菜玉而竊

謂太青所論大有理至孱陵佛牙如掌則又大牙西天天界二

寺所供矣按佛國記佛有四牙廣半寸長半寸一牙在呵條國

一牙在天上一牙在海龍王宮一牙在乾陀國王使大臣九

人守保之月朔捧齋牙出夫牙廣長各半寸意得其真今所見

侈矣

寶金和尚

國初寶金和尚碧峰者留于佛裝袋一襲于繁峙之普光寺云

人衣之則死草覆之則活嘉靖癸丑北入寇披于馬上馳驟

往來亦未見有驗繁峙縣志

和尚嘗上書求增建或司大理寺卿李仕魯言天下學校尚未

建儒風尚未振而先為異端樹赤幟非所以垂遠也特旨乞歸

謹死

僧娶妻室

鳳陽大龍興寺即皇覺寺。一日於皇氏太祖勅僧律。一日有妻室僧人除前輩老僧蓋因元末兵亂流移他方。彼時皆有妻室。今已年老。毋論外。其後進僧人有妻室者。雖在長上輩。比肩及在下。諸人皆得凌辱。亦無罪責。今僧俱葷娶。又無差累。邵武汀州僧道皆娶妻。寺僧數百。惟一人削髮。餘如民俗。

雲南大理府山僧有妻子亦讀儒書

莆田林北思懋。勤究心儒學。兼通道釋學者。稱三教先生。嘗詣京。欲上章婚娶。二氏弟子安溪黃本移書止之。有曰。即得行。甚善。願此時詣闕上書者。皆黃緇符篆者流。吾師欲以婚娶。二氏易天下。不惟不足以明三聖人之道。適使疑夫子北思。乃止。

鐵塔

當陽縣玉泉寺鐵塔。鐵鑊俱隋物。

釋迦塔

應州治西佛宮寺。遼清寧二年。田和尚奉勅立有釋迦塔。高三百六十尺。圍半之六。簷八角。上下皆巨木。為之層如樓閣。玲瓏宏敞。稱寓內浮屠第一塔。後大雄殿九間。通一酸茨梁。周氏豐潤人。宣德間生。幼不茹葷。長從釋教。誓不出戶。年七十餘。坐逝。隨吐火。自焚。得舍利數十粒。甚神。向北而去。人多見之。

寶光寺泥丸栢

懷慶府城東北四十里。明月山高峻。舒豁山皆古栢。無他木。云泰定丙申。僧寶相創明月寺。乃以泥丸栢子。持彈弓。四擊岩谷。中今翁鬱成林。障蔽天日者。皆泥丸栢也。明月寺。天順戊寅賜。

願曰寶光寺

智慧菩薩尼僧

四川方城用晚師女生而不葷好誦經年十九或議婚輒面壁臥經旬不起嘗絕粒食柏葉成化五年促其父母送至江口白馬寺樓上自焚結跏坐滅歷暑不朽神顯靈異鄉人遂炒沙築其身裝塑成佛號智慧菩薩梓人多事之最有靈驗 四川通志

黃明立菩薩

臨汾治村庄宦洪晉女生崇禎三年二月生時母張氏夢鼓樂迎菩薩至其家後嫁適王勳里人張問道俄感疾三年不痊因還母家疾如故遂禮佛跌坐順治七年正月廿五日云得道八月望日云在神前考過受西方佛封黃明立菩薩命作龕置空地西向廿八日午刻云火光菩薩太陽真人俱來相助至期火

光自七竅迸出焰高二丈餘有白蛾從火內飛出翻、直上觀者數千人忽聞空中樂聲異音三日不散初指于村西立廟經始之日忽南壁上生柏樹數十株長二三寸許有跡在焉

達觀和尚

達觀和尚真可宿吳江村庵中旦語主僧曰昨尔婦訴冤宜自省其僧嘗少要以冤死大疎异命即禮懺訖出佛前朱几火之主僧如其言朱几鑲以石得赤蛇則婦孽也嘗宿華亭徐氏所晚起語主人曰昨婢訴銀壺之枉銀壺重十八兩三錢見在某室可覆按也因入其內指乳母床頭頂上果得壺如其重

吳中書說

知尚寓嘉善東門外景德寺時大悲閣圯卜葺之未利云後日有人甲辰五月錢相國士升明經時夢和尚為祝髮加僧帽出法華經示之展卷赤光熒、寤後猶未知所謂達觀也先癸卯

冬師化去已相國父疾迎醫于嘉興楞嚴寺前偶憇經房問法
華經幾卷曰七卷主僧出和尚血書法華經頓悟前夢道念始
切其冬手書法華經一部及解相重修大悲閣詩和尚自題像
摹刻于石見記中又手書法華經一部錢相國自說又曰邑人
盛懋相問秋闈事師曰老鶴窠頭立懋相不解曰符子來萬曆
丙子登科
神祖手書金剛般若經汗漬欲易之命曹內官問和尚答偈曰
御汗一滴萬世津梁無窮法藏從此放光 上大悅

憨山和尚

沙門德清于膠州旁山舊觀音地建海印寺德清初與內監張
本善本奉 太后懿旨贖藏經分散名山而寺無上名本遽填
海印寺與之道士耿義蘭爭其地具奏下法司擬本以詐旨論
死德清謫戍雷州寺亦毀師嘗注老子至天之道其猶張弓乎
思之未得乃借弓懸壁間忽悟張字與弛對時附高而有餘
稍下則不足祇歸無用及張而用之則抑高舉下捐附補稍上
下均停可以命中天道全動為用主施而不主受也

閔頭陀

萬曆間閔頭陀不知何許人能分身現形一日至 菱湖鎮
向小兒乞火置掌中即熾并其身骨俱燼

密雲和尚

密雲和尚住鄞縣天童寺法席甚盛猿噬圃瓜師歎曰業畜何
不他食而必瓜之及也明旦群猿臥瓜側不復噬

僧大香反史詩

周公正懼流言曰王莽虛恭下士時決使當年身不死要留忠

偽與人知

僧佛日送雲

仁和塘棲鎮僧佛日住黃鶴山。隱西湖之十八澗。開法雨泉。披榛數十丈。見石壁鑿佛日字。胡太史仲徹嘉許。偕登舟。僧挈榼送之。滿貯白雲。啟則濛濛流。裊于蓬櫳之間。郁勃所謂。祇可自怡。不堪持贈。又轉作一解矣。

祖師像

國初禁中有祖師画像。八十八尊。供牛首山之祖堂。萬曆甲申。沙門達觀以新安丁南羽募之分送五臺峨嵋南嶽錢塘黃祠。部汝亨臨之。送天竺寺嘉善錢相國臨之。送景德寺。

像不惹塵

弘光初游姑蘓之北寺。有不惹塵觀音殿像。設如新。按酉陽雜俎。都下佛寺神像。往往有鳥雀不污者。鳳翔山人張盈言。或有佛寺金剛鳥雀不集者。非其靈驗也。蓋由取土處及塑像時。偶與辰王相符也。

求復僧

嘉興李孝廉士晉有僧募復命。僅索之。僧笑曰。果復乎。李未解。僧問其衣何物。曰。紬。僧笑。羊膺席及李色。駭僧曰。能從我游乎。曰。請俟異日。因入。取復僧不復見。

僧誑

南都有僧突達官前。驅將棹。忽云。打不得我。達又皇帝的裔也。欲啟其橐。又云。開不得。中有內府勅。遂下。僧錄司其僧猶端坐。抗語。因送禮部。都下喧傳。各衙門會訊。莫敢誰何。內一人強健。解橐。則法華經一部也。蓋犯道畏責。作此誑語。蒼雪上人說。

臨川黃端伯司理杭州素佞佛瓢衲雲集有僧漢人求閉關靈
隱寺約某日回首頌二並合瘞司理如其言遣隸守之屆期夜
挾刃欲逞隸亟縱去其隸予所識也

張真人印劍

廣信龍虎山正一真人張氏寶劍二玉劍一印四一白玉方紐
徑寸二狹幅朱文上帝舊書一紐方如玉世廟所賜一白玉
雙螭紐徑寸四濶幅文如小玉方國初所賜一金紐如菡蓮
龜起雲雷篆今真人府燬器具存

神樂觀歲給

南京神樂觀歲給乾魚萬斤鮮三千斤米三千石小麦千石黃
豆二百石芝麻五十石樂舞生三百三十餘人歲支夏布三疋
綿布三疋絹一疋綿半斤

張三丰

張三丰俗名馱字玄一號三丰又號斗蓬又號遺通仙閩縣人
又云羊城人七歲能奕即無敵十歲習儒業失怙恃長入番家
葦林遇至人偕棲三十年出山混俗歸闕補刑曹吏闕人未知
也未幾因劫獄連生成貴州平越衛同解將入境師浴于河溺
焉明日自水出袖各司回文批帖解者探囊中原文已無矣始神
之受重醜而別至平越千戶張信少敏慧善奕師往較焉稱國
手一日殘局終宵抗衡因記各就寢張夢老媪汝暮當如是而
後勝衣起不數着而師負矣師大笑曰驪山老母大是旣吾繇
是人知其异遠近播傳師將遠遊辭故人十餘家皆餞于一日
席皆有師人愈异焉別張信曰吾為葬若父命信取骨自負指
岩窟密曰汝勿惧往擲置之口中既入見石牛欲相啖畏而掛

角出以告師曰大至封侯斯亦足矣復授鉄椎命往擊洞門石
磴且曰擊不過一二椎至斷而已張力不勝擊至七方斷見金
魚飛去歸白之師曰惜哉汝八口止存君一人十年後位至封侯
十二年間當會于武當言訖而去永樂靖難信以功封隆平侯
衲腐穢傾米飲為茶送一粲張不飲袖其粲而別下山視粲已
長尺餘驚訝復上山尋師已遁矣追悔莫及師曩居平越高真
觀今有禮斗亭浴池石碁局山中嘗有人聞聲咳聲响振岩谷
後移居武當往來天柱五龍南岩紫霄諸名勝洪武庚午拂袖
長往不知所止郭子章黔記

按他書云張三丰遼東懿州人名君寶一云寶雞人

范達

范達河內人有奇骨讀書過目不忘成化間棄家從异人游遂
為武當山提點邑人某至武當見達乘肩輿半神飄逸羽從數
十人與達語移時問其家事人甚悉又數年見達童顏猶昔行
步如飛不得近後名故居曰仙人村

桃林老道人

正德時 劉閣剽盜漢中牛山之燕子巖草庵有老比丘自
稱元時人白首童顏問其年不記出度牒紙厚方七尺字如縈
蚓盤蛇蒙古書也對人跌坐又至桃林園澗統草舍一道人年
九十餘色不槁云採桃食自給左右言其橐豐求餉明發槁二
千人以金歸而復召此二人皆不知所往

朔蓬頭

朔蓬頭夏縣人如意里朔德之遠祖也里界聞喜間就大溝上

架木橋後出游方外。明正德中有道人蓬頭至橋邊云：胡氏指其宅墓故址，且言村巷某處舊有碓石，掘二尺許得之人，且驚異，居數日，傭于張，為家種田，忽不見。

道人題壁

嘉靖初，吳江平江鎮殊勝寺有道人題壁，我自蓬萊跨鶴歸山，僧不遇，意徘徊，時人莫解菩薩寺三十餘年，化作灰後燬于倭。

張福

張福者，淮陰盜徒也，性悍，恐不下人。一日，乘涼樹下有老僧，同坐。老僧忽舉手擊張一掌，眾皆為僧危，之謂此惡少，奈何。犯虎口哉。張默然，僧又擊一掌，不應。至三擊，則叩首曰：吾解師意矣。僧曰：爾來至一菴，與樹對坐，旬日語。張曰：若有得矣，須歸富貴。人有善根者，為外護，若妻子請謝絕，勿念也。張歸舍其妻，方與

他少年淫媾，其人自床投地，請死。張曰：若有緣也，無恐。不知若有室乎？少年對曰：未有。張曰：子請遂以為妻。又呼其子與隣，老未有子者，子之曰：巫去無來，迹我乃竟往投萬德戎鹿園。萬問之曰：若何能？曰：請為閻者，司出入萬，因置之門。萬本大家，男婦嘗教百人，出入無忌。張日危坐于戶，至晚必報主人曰：今日某某出某，入有戲豫，無禮蹈法者，必告。居三日，萬氏門蕭然，無譁。又數月，萬知其愿，確可託也，命之守司。舍司金錢出納，則銖兩無爽，有不經者，必裁節之。一日，萬自外歸，見張坐其所坐處，呼曰：若胡敢踞我坐？張起而對曰：將軍胡無平等心也。萬登坐，覺坐席熱如火。又一日，萬自外來，則張寢其床，萬又呼曰：若何乃爾？則又曰：主人何無平等心也。萬登床，覺如火坑，大異之時，有吏部郎過，淮得瘵疾，甚危，萬以語張，曰：請為療之。乃相與背

坐吏部郎覺背如火焚也旬日而瘡愈遂往京去一日張請于萬曰小子修玄有微效矣請一靜室求一姬為伴萬乃呼婢數十人使擇張曰是皆不堪請將軍所幸姬萬難之已度其人非酒色徒也何難一姬以妨大道竟與之張乃挈一姬一婢入室鑿壁而進飲食居八月以姬還萬詢婢曰彼日與姬對坐相去函丈未嘗近也姬亦素好道平日閉戶焚香掃地而坐每以悟真篇問張：不答亦竟無一語也張自出閨則請主人白布數丈金二兩又書字一紙緘之與銀布同置一廂請以某日開萬如其言居止何詣萬前曰小子歸矣叩頭而出萬留之不得使人亟走之其行如飛不能及也至故所遇老僧處趺坐合掌而化萬乃開其所緘廂則上書曰小子以某日行請以布歛以金制龕主人親封之萬乃歎惜恨失至人也居有頃前吏部郎自

長安以請急歸來謁萬：曰若知張福化乎吏部郎曰吾于濟上遇之談笑竟日胡遽有此萬亟開龕則僅有布在其骸不見矣萬諸僮嘗見之誰徐問萬本名將晚歲好玄每日靜坐守中張謂此有為法非無上道萬每叩其有別術不語但曰天下無有富貴神仙孰能棄三公而存天下賢者以澤蒼生孰能棄萬金而施貧者以脫人于死孰能割恩愛塊然獨處而與虛白為對無是三者請勿語道少司馬許公身遠亦識其人津：稱之曰世故有此异人也 馮時可二氏餘談

馬自然求載通志

藍官馬湘字自然世為小吏自然獨好經史工文學嘗徧游方外至湖州醉墮霄溪經日而出衣不沾濕指溪水能令逆流唐大中十年卒塋于其家東園明年夔州奏劍南梓潼縣有道士

馬自然白日上昇詔杭州發其塚二存竹杖今塚不存有石井
在海寧縣西北十二里云自然所鑿嘉靖戊午武進薛應旂督
學兩浙修通志意廢仙釋不錄七月二十四日有神仙降箕曰
丹陽道人馬自然煩大夫幸勿言我薛曰欲入志乎曰然遂不
散置 杭州府志

高古峯

柳州東門高古峯

好道棄家游桂林蒼梧間簡率少文晚

隱端州石室十年入廣州教人以死心孝廉李潔問上弦兌八
下弦良八之功曰亦用之或詢以歲里曰多事生弘治庚申終
天啟壬戌九月年百二十三歲

呂仙自序

萬曆初葛守禮殿士儋楊博王家屏諸大老會燕邱齋素求呂

仙箕書本唐之宗人名瓊字伯玉配金氏生子四甘美豐元年
五十登第授縣不意有日月當空之禍凡我同宗觸之者滅予
甚恐棄四子携妻山下築子洞僅兩口故氏呂名岩字洞賓後
妻止號純陽子

道士火遁

山陰王循學萬曆乙未進士是春讀書京師西山夜對燭俄閃
燦有聲見人自燭出可三四寸盤走几上尋登坐則修一二尺
如道家裝侍兒驚匿止何又盤走地上儼然人也語王曰毋我
避也且乞若是日大內齋期或道人火遁也王終南海令其甥
朱若一說侍兒尚存

麻城道士

麻城道士

以道術著黃州守吳憂子婦困蓐布帶求療道

士方象奕：畢語使者曰尔第去。志第胎衣中還我一碁子。
使者返果產胎衣中碁子。在烏包。包孺說

清河异人

萬曆七年十二月有异人經清河縣之唐家口坐而化偽傳為
呂祖涅槃遠近喧動男女焚修者數千人。大為地方憂。時令向
日紅入朝。明年三月還任。則眾已漆其屍。而神之立廟。日紅陽
為祭。又默約植一枯竹。曰屍誠神。三日生。吾竹仍為廟。否則不
廟也。越三日竹尚枯。乃毀而瘞之。偽言頓息。然人竟不解其故。
或曰病也。清河縣志

荀道人

姑蘓荀道人不知其所自。敝缽行乞。歷寒暑如一。冬自鑿冰而
浴。人咸异之。嫌其垢不欲近。而就問。多驗。弘光二月坐逝。鼻垂

玉柱尺許。時予客蘓郡。值華亭朱尚書國盛好養生家言云。嘗
就門道人誠异人也。

棗林雜俎

烟鑒

柄相末路

鹽官談遷孺木著

嘉靖戊申年大學士夏言臨禍貽憲副吳學愚賢婿吾擇壻得
汝門楣光矣患難賴汝扶持累汝受驚苦多矣無以為報但我
有志恢復河套寔欲自盡犬馬之忠不虞至此今復何言今且
死矣身後唯有平生奏疏詩文諸稿望子為我編校成書諸序
并年譜乞借雄筆以賴不朽諸稿有文五卷一經手亦已囑之
矣我平生大節賢婿所知得禍之詳賢婿所悉他日世有公論
不能無望賢婿紀錄願留心留心千古之托也處分家事別有
遺囑賢婿亦與但望教導諸子姪卑各宜守分仍道我苦處俾

勿起爭端以召意外且以彰吾過也遺言賢女安人我止有汝
一人又不得一見而死千里遠來何以為情哀哉哀哉身後望汝
歲時墓上看：奶：今不知生死何如又不知去配所否今不
能作書或已死已去不可及也生離死別家散人亡可憐誠可
憐哉勿復道勿復道汝夫婦要和睦世上事汝今知之惟樂難
得也 擲筆長逝勞形生何為忘情死亦好游神入太虛相伴
天地老 吳春山東按察副使

萬曆十二年故太師張居正子禮部主事敬脩自縊遺詞

四月二十一日聞報二十二日即移居空宅男女驚駭之狀不忍
言至五月初三日丘侍即至府初四日即差官提敬脩面審其中細
微曲折之情不及多言但其大主意在屈坐先公以二百萬家資
又要我叔承天夷陵本縣三家要坐曾確菴家寄銀十五萬兩

坐王少方家寄銀十萬兩坐傅大川家寄銀五萬兩他云依說
便罷如不從則當奉天命事其間恐嚇人之語令人胆破魂飛
嗟：此三家者皆怨仇禍患與張門同之以數十萬為寄何其
愚哉或當事者處心蓄謀已定區：何能分辭而威勢所逼只
得欺天枉人從之夫數十萬銀吾意三家縱濫亦何能有如此
之積天上飛來之禍何愛片言之重只得從當事之意蓋料三
家斷不能完結此事吾日後何面目見之區：微衷不能自白
恐後世以敬修為何如人品今又以母子叔姪恐團聚一處有
串通之弊乃于五月一日又出牌追令隔別不得相聚接語而
母南子北夫東妻西又懼會審之時嚴刑拷訊羅織鍛鍊後日
事又大可慮者令幽囚倉屋風雨蕭：青州鳴蛙無不助予之
悲悼人非木石豈能堪此凌鑠告以神明決一瞬而萬世不視

嗟：人豈不貪生畏死而敬修遭呵如此度日後決無生路孔子之聖也而死顏淵之賢也而死兀平日于生死利害審之熟矣今屈死黃泉勢不容已承家祀祖并奉祖母二母饘粥則有諸弟在予母表受辛苦予妻素賢明善持闔內有古烈婦風吾此舉不能自保可伶我幼兒女皆六歲 稚子言至于此痛心酸鼻不能終其說他如先公功罪與近遠潘誣陷事情則自有天下後世公論在敬修不必言也獨空坐二百萬又欲屈坐曾王傅三家三十萬欺天枉人不得已託言片楮沒齒以代剖心此書各司道一日非肯為溝壑之行也五月十日寫完以期必遂而夢兆稍吉不果至十三日各欽差上司會審叔姪俱嚴刑拷訊徧勒扳扯他人止慮數十家扳而合諸公意即首肯之不合其意者叫另開來合則從不合則夾打令人冤落無生氣

嗟：此古今宇宙未有之情父母遺體生平眼不見刑具脆薄之軀豈能勝之各位上司奉命而來如得其情則哀矜而喜可也何忍遽至于此嗟：此數之莫可逃也既令扳各家倘臨時對理不驗何以見諸公面且諸各扳扯亦多人皆平日所未聞者吾輩寧死豈能扯他人以解己之禍甚矣上天之愚弄人也而又使吾叔姪輩自愚何忍何忍任巡按活閻羅你也有父母妻子之念何忍殺人媚人以如此之酷烈也今不得已而死明心萬分出于不得已若十三日拷訊口供鄉里三尺童子伶之知之不必多言有便乞傳山西蒲州張相公說張門事已完結矣無煩掛念願他輔佐 聖天子於億萬年也

談遷曰讀夏氏張氏二書令人凄然以泣方其秉國之鈞百吏震竦氣勢迴山嶽一朝失據步入西市諸子為囚富貴安

在哉今貴溪江陵之論定矣功之而罪一敬修惜死亦知洪
朝選劉臺之冤乎昔閔將軍沒後時在荊州玉泉山現靈有
僧呵之曰顏良文醜頭安在敬修書成之日洪劉之冤案結
矣丘侍郎檣齋人之有敬望者懸貶酷拷貽楚患數年卒無
子亦未嘗無天道焉

崇禎十六年五月

大學士周延儒放歸復見徵知不利憂

泣或請辭于中宮賂嘉定伯周或十萬金或達之中宮以駕久不
至奈何請授指東宮東宮每晨謁至是啟曰近來久不見周先
生何也上曰爾何自知先生曰父皇嘗稱周先生故知之

上曰此非好人今不得稱先生上心知其指尋賜死迨曙錦衣
衛同法曹至私邸排闥而入相國披裘起裹絨巾家

僮見身自有異各驚匿求青衣未得緹校脫而衣之拜命飲泣

求筆墨占句倉皇不屬使者促之掣筆就縊

狂誕

餘姚諸燮子相嘉靖乙未進士除兵部主事以簡抗忤時謫茶
陵州同知量移潮州通判轉邵武同知寬簡御下勤于勸學氓
士昏悅燮素深經學脫畧自喜家居惟授徒自給後客嚴陵大
醉般礴裸游桐江鼃噬其陰以死

崑山王逢年游京師為相國慈溪袁煇掌記時飲于市遣使四
索因諷之怒曰爾時又登第立文拜相乃牢籠天下士乎去之
逢年嘗偽撰漢黃憲天祿閣小史陰慶初逢年生事死

吳縣張猷翼幼于太學生能詩好游仕路狎散伎慕古稔阮之
習與友人張孝資或紫衣挾妓或既乞市中或歌或哭猷翼贈
孝資詩中年分宜深相見心莫逆遂往不送迎抗手不相揖荷

鍾隨我行操瓢並吾乞中路饋吾漿携妓登吾席高里殺漸高
薤露歌甫畢子無我少雙我無君半匹敵翼每念故人及亡妓
輒為位置酒向空酬酢孝資生日乞生祭自為尸敵翼率子弟
衰麻環哭上食設奠孝資享之綢日行卒哭禮設妓樂哭罷痛
飲曰淚自是率以為常萬曆甲辰年七十餘携妓居荒圃中
殺于盜沒後人皆惡而諱之

緯候

五行

儀封王子衡廷相曰甲乙丙丁子丑寅卯大抵作此以紀歲月

日時非有所謂甲乙屬木子亥屬水之說然亦偶爾宗之即以
當年為甲子歲仲冬為甲子月冬至為甲子日半夜為甲子時
不知經歷幾千歲後人乃以五行分配之此半途立論無所本
始不待智者而後知矣且無五行之氣無則已矣有之則一日
之內無不全體俱在安有今日為木明日為火又明日為土為
金為水乎何春止為木夏止為火秋止為金冬止為水乎何土
惟旺于四季而餘日土氣即絕滅乎荅何粹夫論五行書
新都楊用修慎曰今日卜易以甲乙起青龍丙丁起朱雀戊己
起勾陳起騰蛇庚辛起白虎壬癸起玄武蓋不通理者遷就之

癸戌己同為土豈其分為二騰蛇為北方水獸何以移之中央乎今定其次戌己共起句陳而壬起騰蛇癸起玄武得其當矣何也北方之坎于卦為艮有終萬物始萬物之意于方為北又為朔于人身為腎有左右于卦為習坎于器為權衡于物為龜蛇于水為玄黑于官為脩熙于四德為貞正而固亦兩事也于太玄罔蒙直首冥以配四時而冬兼首冥且壬為陽水以騰蛇之雄配癸為陰水以玄武之雌配不易之道也此候于餘年矣卜之不驗豈不繇此

東粵李潔曰久晴遇丙丁必雨久雨遇丙丁必晴而庚申次之若遇丙丁而不變是謂日月不換丙乃天地之病故病從丙也北方淫雨百姓即請官吏祈晴仁政之先務也南方往太遲八月有二易緯以節呂氏春秋以方烈風多起于戌日而箕宿

次之

雄日

甲子值卑為雄雙日為雌

日中有樹似青名空青之林食其葉者身為金光

子日

正月上旬無子日大臣不安位焦周說格

上戌上丁

李夢陽曰郊上辛社稷上戌孔子上丁戌在丁後故先丁如十日丁則一日戌當先戌而後丁以丁不常十故人鮮知一日之戌弘治間吏部主事楊子器上言戌從初十之丁則次戌非上戌也時無諳禮者竟寢其行

制日伐日

入山當以寶日及義日專日者大吉若制日伐日必去靈寶經

奇門書云假如甲子日子水生甲木下生上也為義乙丑日乙木剋丑土上克下也為制戊辰日上下無犯為專庚午日午火克庚金下克上也為伐丁丑日丁火生丑土上生下也為寶晉時拜官封爵用寶日上任用義日五雜俎

立春

立春日邑首甲糧長二人夜半于縣治前畫地植草如耕種狀值人畜即止以下歲多驗萬曆中嘗失期候春田官呵之荅曰諺有之不種時喫白米歲果稔

成化元年崇禎元年並元旦立春華亭陳繼儒眉公楹帖歲朝春百年難遇 聖天子萬壽無疆

立春日望三素雲見修真入道秘言
上巳

三月巳日為上巳非三之日也

黃梅雨

周處風土記夏至前雨名黃梅雨杜工部梅雨詩南京犀浦道四月熟黃梅湛：長江去冥：細雨來茅茨踈易濕雲霧密難開竟日蛟龍喜盤渦興岍迥按玄宗幸蜀置成都府尹號為南京讀其詩梅天與江浙不異也今俗作徽字

競渡

黃州俗五月十八日有龍舟之戲設屈原像及祇侯俱運機杼服飾極麗金簪玉導費嘗二三百緡土人舁舟送之江中順流至其灣土人先泊舟掠以為常

火節

雲南六月二十五日入夜家：求松明為庭燎雜以草花高丈

餘燃之殺牲祭祖老少圍坐火下飲酒達旦自官署都邑以及
鄉村田野無不皆然謂之火把節又謂星回節相傳漢夷酋阿
南夫為人所殺誓不從賊以是日赴火死國人哀之因為此會
一云孔明是日擒孟獲侵夜入城父老懼呼設庭燎迎之滇程記
或云弔忠臣王禕非也

中秋十六日

四明中秋宴飲以十六日初宋相史弥遠官臨安還家度節阻
風至是夕始到遂沿為俗

九日

御袍重陽所服製為菊朵

大小清明

福建將樂歸化人以三月為小清明八月為大清明辰墓者間

小廢母散大廢

朔望行香

洪武十七年勅每月朔望祭酒以下行釋菜禮郡邑長以下詣
學行香按朔望行香之禮古未有也北齊每月朔祭酒博士諸
生展拜階下郡縣朔朝是時未藝今所謂香也然朔日行禮則
始于此其後遂以朔望行香朱子曰謁宣聖焚香不是古禮捨
香不當叩頭只直上捻香即出笏叩首而拜由是言之則宋亦
然矣但儀節與今不同今只行拜禮東陽王嘉忠澄海縣志

天門

鄒洗馬德溥疾篤幼孫方六七歲同二三女童見天門開空中
有大白鶴背跨冠緋秉笏者兩翼金甲神挾持弓刀鶴飛欲下
又旋轉再回頭更入室不見僅白雲從庭左角自地及簷而去

不旬日邠逝

姑蘓沈文宇雖復人而事母至孝嘗語予曰萬曆癸丑七月三日露坐中夜俄天門開流光焜耀朱几上蹲壚歷：在自亟呼母出視母命拜良久而隱
戊子九月二十五夜漏且盡天門開有火龍自東向西北又一龍相接掉尾落數小星

月

崇禎己巳十一月 日邑人落塘周氏出墜夜分月中界畫

如十字人皆見之

庚午七月六日有小星入月良久乃出自東而西去月二尺許竟不動

風

崇禎辛未六月庚戌臨穎有大風林氏杜氏等家產俱飄半空銅鉄器碎盡瓦器獨全

庚辰七月天津巡撫李繼貞閱武帥旗不風而動明年三月亦然且作笙簫聲見邸報 石尤風李義山詩來風貯石郵

二雨辨

無錫邵文莊寶二雨辨云雲興于山勃然滿盈既蘊而降以雨者山雲也謂之山雨雲興于海倏然瀰漫既翕而盛以雨者海雲也謂之潮雨海雲之雨乘風而行雷鳴則止山雲之雨挾雷以動風吹則散此其大凡也海雨夏少而秋多山雨夏多而秋少亦各宜之易是為變而無雷矣天台王子春云 雨師屏翳風師蜚廉雷師豐隆

崔錫

餘杭徐司理茂吳桂卒之歲甘露降于後園新安吳山人德茂
元曰恐見雀錫果應其兆

雷

嘉興吳太宰鵬家內樓雷震後凡金玉銅甕之器俱一細孔如
粟海寧轉塘徐氏有婢抱主人兒被震死雖兒止恙後若干年
亦殤姑蘓人其雷熱其袴外衣毫不損也雷神亦善戲矣
萬曆戊辰六月二十日福建平和縣東廂外陳孫家有兒在輿

中雷震其輿而碎兒仆地活

天啟乙丑廣州濠弦里方氏婦張孀居元夕觀燈俄黑犬隨歸
二月夜忽電光燭一室婦携孩幼坐榻犬若惧甚依人時見教
神若十四五歲童子無髮者環榻二三尺欲前踰時忽捕犬去
之清朝辛卯四月九日蘓州張某雷焚其廩米如粉時米貴某

索高價也

江南二十八景

華亭頌東江先生清云江南二十八景梨花滿放梅萼盛敷茶
笋初肥桃柳相媚枇杷摘金楊梅獻紫牡丹關色芍藥繁粧海
棠晚睡薔薇晝青芰荷新發菱芡初嘗蓴鱸正美林酒新釀稻
花成雲麥風如浪鱮魚薦鮮紫蟹滿膏橙黃橘綠蒲長葦茂菊
圃千名杏園一色松花成餅桂子為漿蘭蕙列庭水仙置席鶯
啼春樹鶯映秋波陸平泉白尚有二景菜花如縵稻米如玉馮
元成集

日本小曆

弘光初有携日本小曆一紙來者並夷字首題寬永二十一年
及大將軍等字彼遐裔何嘗奉正朔也

男產

嘉靖乙酉橫涇農人孔方產兒 侯甸西樵野記

萬曆丁巳正月二十八日奉化縣後陽村男子張一產兒並活
止恙張妻舒氏未妊同盧某負販或曰兒之孕盧為之也徐見
可啜墨亭集

又大同中翰馬呈德婦萬曆癸卯孕庚戌免身凡姪八年子三
歲能誦詩書見謝肇淅五雜俎

人疴

崇禎庚辰吾友王价人 翔至徐州豆作人面如面至于盈畝携
歸見之太行山桑柳並生人三四寸裸而黑揭燈上口噴
有殼

雞腹小兒

嘉靖二十二年太倉州塗松鎮沈氏殺一雄雞剖腹得小兒五
形皆具 太倉州志

飛席

嘉靖三十四年會稽有物方長如尺牘飛空中映日作金色數
鷹繞逐之有因劉朝忠祝曰果祥也則墮已漸近果墮則縣令
古文炳草席也官命禳之 會稽縣志

大明門黑氣

崇禎乙巳夏卜者周午暘語 賀中冷世壽曰黑氣蒙大明
門久矣非休徵也及十月遵化失陷烽火徧於都門

鳳陽鼓樓

壬午鳳陽鼓樓忽坍去成平地太守往驗坐良久俄晦冥殼如
風霆樓復故 鄞縣錢光緒說

集異

丁亥八月晦是夕天上噓有聲如潮十餘刻乃息又是月七日午刻日旁見一星明日亦如之

十月松江黃浦鯉魚大上至妨楫

嘉善東門民家雞翼生爪各邑多有之江陰獲雉足如鴨

戊子冬至前三日薄暮鳳凰自海鹽至海寧向西北而去萬鳥隨之約二十里斜橋趙氏蒼頭見之

庚寅四月六日有斷龍墮蕪^州野闌見邸報

九月十七日錢塘北高峯崩明日靈隱寺鑿土得僧墓

十月朔午刻日食既望日嘉興東門外雨絮友人金齋孫龍友舟行親值之夜月食

二十四日夜黑虹竟天起西南指東北若開闔者三

辛卯五月二十三日大雨海鹽東門外漂一樹巨數十丈

七月寧波府有異獸兩角驢面馬鬣豕蹄尾短僅三寸如鹿色

黃自祖闌墮于老龍灣躍岸郡人驚逐越城而奔至湖西民家

復逐之遂出西門走二十里獲于高橋送郡守轉至海道王尔

祿觀者如堵皆莫知其名或云山羊以糞似之數日死人啖其

肉味類鹿是日定海城獲一鹿亦以進八月大星墮於海

名勝

石經山石經

順天府山縣西南五十里石經山峰巒秀拔曰小西天隋大業

間僧靜琬惧本教有難不能流通發願募工鑿石刊造一大藏

經積于此山以備其後至唐貞觀初僅成大涅槃一部法師卒

其後人通刊造餘部歷遼金始完一大藏貯于岩洞者七地穴

者二洞鑿以石門穴鎮以浮屠自來兵燹不之及一統志

硤石山

澤州城南三十五里硤石山高數丈頂平若砥從橫十餘步相

傳慧遠隱此著涅槃經成擲其筆曰若疏義契理筆當任空已

而果然因名擲筆臺

金窰山朱書

豐潤金窩山極險峻山腹石壁間宛如門扇而不可開上有朱書數行可辨識者惟縱有黃金人不見七字其書雖極力磨洗不滅人以為金礦所在

豐潤縣志

邯山

漢地理志邯山在東城下金地理志云邯鄲有邯山鎮即今城東代召鎮是也又水經云牛首水出緒山東經邯鄲阜即張晏所謂邯山在東城下者以今觀之東城之下不惟無水且無山矣然則三說何以云尔也嘗味水經之言謂邯鄲阜即為邯山此說深為有理蓋土高曰阜未必其寬然哉然而古人皆謂之山也夫求一阜于千百年之下能保其不為平地哉况山夷則水竭而邯山之下即有邯水亦漸涸乎其漸涸也余觀浮香縣有所謂浮丘山者今亦漸平為地大抵皆邯山之類耳

邯鄲縣志

二郎山

遼東錦州地北三十里二郎山破石多如彈丸可入砲而輕替師孫承宗戲曰二郎神好用彈想其餘物二郎神為清源妙道真君即嘉州守趙昱斬蛟者也未詳何代何封稱為二郎神

倚陽山

林縣倚陽山桃花洞北齊高歡冬日被兵圍于此期以桃花開兵解已而桃花果開圍遂解後洞口桃花冬月盛開今不存

林縣志

水神山

山西盂縣東北十里相傳昔周世宗女秉性貞烈不欲適人替于是山樹下涕泣渴而思水扣地得泉自溢于樹鄉人因立廟

祀曰水神山

火山

太原河曲縣西五里古稱火山軍山上有孔以草投孔中烟焰上發可熟食不生草

呂梁山

承寧州東北百里呂梁山俗名穀積山與交城接界呂不常曰龍門未闢呂梁未鑿河出孟門之上

石鏡山

寧國縣石鏡山有石如鏡足以鑑物黃巢寇宣歙過此照見其狀如獼猴大怒積薪燔之石復無光以乃漸復寧國府志按石鏡山不一吳地記臨安縣五里石鏡山有石鏡徑二尺四寸甚清具見人形狀

陰陵山

陰陵山今全椒縣東南二十五里九關山云楚兵敗欲東渡烏江經此與漢兵一日九關其山石尚有礪劍跡有迷溝為田父詔處今三汜河有霸王廟所產艾皆低頭為羽晒甲壓之云全椒縣志

齊雲山善惡

休寧縣齊雲岩嘉靖中改稱山立玄天太素宮曰善山惡山善山為君惡山為夫人分祭則灾合祭則福

天台山仙女

天台二仙女宋景祐中明詔採藥見金橋跨水光華炫自有二女戲于水上殆水仙洞府也

天台縣西七十里明岩、西有泉蔽崖而下渙若垂箔寺僧亦

用竹繩引之從高下墜號曰水索
天台縣桃源千山萬山人煙斷絕其中古苑樹年深化為精魅
常迷人宋王介甫夜坐梅月照軒窓讀易忽有一姝容顏殊麗
見介甫自言知易遂相與談論畫前妙理寔能發人所未發介
甫喜甚間得報司馬君實來訪介甫出迎至軒中彼姝即隱身
不出及司馬出彼姝復來介甫恠而問之對云妾乃此梅花月
之妖君實正人妾不敢相見介甫默然

仙居山蝌蚪篆

仙居山縣西四十五里險絕難升上有石壁刻蝌蚪篆文晉義
熙中周廷尉領郡造飛梯以蠟模之莫識其義後守阮錄携衆
往觀雲雨累日不見仙居縣志

雲黃山

義烏縣南二十里雲黃山傅大士餒虎餒飯化為石青白而紫
有陶氏居山下嘗資給大士遂視之曰他日以飯石作數珠瞻
汝曹喬自此茲授記惟此一氏家能之女已嫁則不能他人做
效石即穿裂義烏縣志傳翁義烏禿亭里人因取魚食嵩頭陀
曰試照水乃見負光寶蓋即悟前因：具開道場頭陀指山下
雙檣樹曰此可以結庵苦行七年忽三佛來自東方有金色自
天而下集于其身從是身嘗出妙香聞空中散偈梁武帝召赴
一次入重雲殿不拜從登空榻與帝問答詔還山號善慧大
士

玉華山

蘭溪玉華山庚寅七月忽裂二、三里成潭又距十餘里曰橋下
湖有巨魚如舟土人毒以巴豆不得

伏龍山

襄陽城西三十里伏龍山為隆中諸葛氏草廬也今有祠西八角習井頗宏敞 明襄簡公堊處竟之嗣人謂武侯之英爽可畏又南陽距城八里云八里岡亦曰隆中岡勢蜿蜒如帶高僅數丈亦有祠嘉定徐宗伯學諱俱游之謂襄陽可據宛人不能據而有之蘓子瞻詩誰謂襄陽野生此萬乘師蓋指伏龍山云 見宗伯集中

玉泉山

荆門州玉泉山有閼侯祠下方二十步皆黑土相傳侯嘗任兵作書遣其子平書罷以硯汁擲地故至今土為之緇其青龍刀豎石罅中以手摩之輒動然後平夫之力不能舉也

孔子山

黃州東百里有孔子山相傳孔子適楚嘗登此山上有坐石州水不侵有斫石每雨輒有墨水流出 又澤州南四十五里天井閼石上孔子將入晉聞趙簡子殺竇鳴犢至此迴車轍跡尚存深尺許長百餘步後人因立廟道左

太山

沁水張大理五典度太山自山下至巔五千三百八十四步五尺為步行折皆在其中高三百八十六丈九尺一寸寔十四里零八十餘步漢官儀云太山自下至古封禪處凡四十里皆妄也有太山道里記近馮生過太山云不甚高廣不知何以得名至此

太山上秦始皇立無字碑或云碑函或云鎮石或云表望或曰待刻闕人謝在杭肇浙親至其地云元君祠當公署中尚在新

碑二十九年疑即所剖石也其豎片石為祠記表望明矣五雜
太山捨身崖在日觀峯下愚民往捨身投崖邀冥福尚書何
起鳴設垣墻示禁勒曰愛民臺

成山

文登縣南百二十里成山秦始皇造石橋渡海觀日神人驅石
鞭之見血至今山石皆赤予謂山石色赤者多若天台赤城黃
州赤壁豈亦有神驅而鞭之乎其造橋事容有之然亦不至望
洋也五雜按成山東召石山神人鞭石處見三齋略

青山

曹縣青山諸生郝元嘗治園見瓦棺長丈許高五尺朽骸風滅
瓦刺字莫辨儀從夾侍大僅尺朱砂斑剝意春秋曹先公遺塋
郝元于南京為予言

東浮山

山西平定州東浮山距城五十里即女皇氏補天處其煉石灶
尚存石炭勝他產諸色石可燒明學士陸文裕深過其地得
遺跡問土人及學士大夫皆曰古跡寔然歲上元夜家置一壚
當戶高五六尺許寔以雜石附以石炭夜煉之達旦焰光上燭
天為之赤至于今不廢是謂補天文裕語太宰喬莊靖字曰女
皇察物宜前民用故制此以通昏黑之變輔烹飪之宜蓋曰補
天之所不及耳儼山集

崖山

太原縣東有崖山大旱土人燒此山以求雨俗傳崖山神娶河
伯女故河伯見火必降雨救之今山上多生水草

羅浮山

羅浮二山相合屬博羅縣取道增城則近其山上多奇植异卉
有松尺許匝置數年植之復生有竹葉符每竹止二符乃篆書
仁字色白浣之不脫五色鳥時集人肩上有虎不噬人有王野人
園花寔森茂春冬之間游人任摘持歸即迷道而園原無定在
也又有僊樂風月靜夜每聞之道士擬製今冲虛觀所奏頗得
其轂李際

銅鼓山

貴州威靖衛西四十五里銅鼓山諸葛亮南征于此獲銅鼓故
云土人云山上有洞藏武侯盔甲先代有可入處今石門榛蕪
人或臨之蛇蜂交集不可入每值陰雨聞者如銅鼓鏗然作聲

貴州通志

金陵岡

金陵岡在應天府龍灣相傳秦始皇埋金人于此碣曰不在山
前不在山後不在山南不在山北有人獲得富了一國殆以此
地氣盛誘人鑿之耳其愚黔首若此而亡秦者泗上亭長予
嗟夫祖龍之愚應天府志

飛來峰

錢塘靈隱山之飛來峰元僧楊璉真伽徧携佛像 明嘉靖

太守福清陳仕賢以楊及鄭僧聞僧三石像斷其首埋獄中
獄寔寔悞毀佛像也近來有續其首以佛故亦多事矣 陳仕賢
嘉靖壬辰進士

回鴈峰

衡山回鴈峰相傳鴈不度衡陽然衡陽之南亦有雁但過此則
漸稀耳或峰勢如回鴈翼之回 衡陽府志

六真洞

山陽縣六真洞元真人丘處機劉處玄談處端王處一郝大通
馬鈺

燕子洞

貴州平越府有燕子洞紫燕子百為群潛藏于此冬不北鄉洞
口二丈其土疏而黏黑而肥土人用之糞田進洞口二里持炬
至大洞流泉混々聲如鳴金有時響聲如擊楫時有黑衣人乘
霧出入豈燕之聚精耶點記

燕子岩

林縣燕子岩在炭場北秋冬燕子蟄其中彰德府志

七盤坡

藍田縣東南有七盤坡古武關之地

鷺公坡

番禺鷺公坡每風月夜集遠聽如鷺聲就近則無有練要堂集

櫃兒崖

四川梓桐縣七暈溪之櫃兒崖門有櫃相傳其中器物皆具
昔人嘗借用之後有失其瓷甌者遂路隔不能達萬曆間劉綬
引砲碎其一角次日復完蝶菴存稿

石硤

渾源州南磁窰口石硤上有張君祥刻仇扇風葫蘆人過之雖
暑熱即有風生

四道三谷

何景明雍大記予從入蜀漢道觀之其西南曰雍谷從褒入南
曰駱谷從洋入東南曰斜谷從郿入其所從皆殊舊志謂首尾

一谷非是其棧道有四從成和階文出者為指中陰平道鄧艾
伐蜀由之從兩當出者為故道漢高帝攻陳倉由之從褒鳳出
者為今連雲棧漢王之南鄭由之從城固洋縣出者為斜駱道
武侯也謂上由之此四道三谷關南之險阨攻取所從來固矣

長平坡

磁川城南三里長平坡袤八十里白起詐坑趙人于此

大庾嶺

南安府城西南二十五里大庾嶺磅礴高聳南接南雄唐張九
齡開鑿新路兩壁峭立中路坦夷一曰梅嶺以漢將梅嶺得名
銷從吳芮定百粵有功封臺侯臺嶺即梅嶺也後因銷將庾勝
兄弟居守又名大庾嶺下舊有驛宋郡守趙孟通書扁有女
子題壁曰妾幼侍父任英州司馬及婦聞大庾有梅嶺而乃無

梅遂植三十本于道因題詩曰英江今日掌刑回上得梅山不

見梅輟俸買栽三十本清香留與雪中開宋監官張九成 明

張孟奇俱補植數百本

仙人籬

貴州城北八十里高崖之上相傳昔有黃冠結屋其上今籬尚
存歷歲不腐

天花里

正統元年五月六日午刻鄞縣隱士虞德全家天花如雨飛滿
庭中其形若米色若玉積深寸許七日始化郡守鄭瑒名其鄉
為天花里

永義鄉

嘉靖壬子廣東尚冠作亂平之設廣寧縣有民馮四瑞納款立

永義鄉居之

仁義鄉

繁昌縣唐南陵之地開元中于南陵仁義鄉置石碌塲因其地
產百姓輸納

捲簾庄

諸城縣北四十五里捲簾庄在漢王山西南地周五六里雖深
秋嚴冬亦不見霜諺云捲簾莊秋冬不下霜

謠糧墩

全椒縣西南五十里謠糧墩在蘆陂澗東舊時吳伐楚吳糧盡
伍子胥以土為墩覆米其上故名今觀其形碁布星列約五十
餘所亦奇觀也

全椒縣志

鯨堤

鯨堤在清河縣西南三十里延袤千里自順德廣平界東相傳
鯨治水時築也

清河縣志

博浪沙

博浪沙據史在陽武縣東南三里今在東門內開封城北亦曰

博浪沙

紅土

宣府蔚州衛城東南三十里太白山多奇山其紅土為印色傳
為周穆王乘八駿游此馬斃其土化為紅土蔚州志又貴溪縣
龍虎山有五色土張真人以書符籙

河南新鄉縣東北近于衛河有紅土岡其地有雨水如血俗傳
紂血流漂杵于此

山都

汀州郡治初造大樹千餘其樹皆山都所居有三種下曰猪都
中曰人都其高者為鳥都即如人形而卑小男婦自為配偶猪
都皆身如猪鳥都人首能言聞其聲不見其形人都或時見形
嘗伐木時有術者周元大能禹步為厲術以左合赤索圍木而
砍之樹仆三都皆不能化執而煮之牛鑊內閩書

鐵坡

蔚州府洪武七年立甲子諸邊號曰鉄城周七里十三步高二
丈五尺堞六尺址濶四丈堞口七百十有八門樓三各五間角
樓四各三間俱高三層靖難時砲擊其一又回祿災其二後不
復補昭臣節徹天爰也蔚州志

碗子城

澤州南九十里太行山絕頂今屬懷慶府河內縣群山迴環兩

崖相夾中立小城隱若鉄甕經行者須扶策徒行即宋太祖肩
石之處正統間寧山衛指揮胡劉鑿石平險以免推車之患

沁雪石

趙子昂鷗波亭前有石二曰沁雪曰垂雲垂雲流落雲間已不
可攷沁雪石在常熟縣署中有鷓字或云沁雪子昂妾也錢侍
御岱乘邑侯女疾喉巫言石為祟出之得歸錢氏在徐上舍處
嘉興東門內范氏舞蛟石亦子昂鷓題今在金氏

憂懼石

永樂初尚書夏原吉治水江南立石嘉善西塘鎮福源宮前限
水止限下則懼過此則憂

中丞石

福建長樂縣十都有中丞石昔有為中丞者未過時過此誓曰

不為中丞不過此石後果然故名閩書云長樂縣二十一都石
上刊中丞二字唐潘獨坐南歸憇此里人鏤之

棗陽石

東陽縣石有青紅白黃其白者向北拱如遇朝廷採用先期鶴
鶴畢集居民知必有大工襄陽府志

掇刀石

當陽縣關羽祠有掇刀石傳武安屯軍祠下土方二十里黑如
墨蹟

望夫石

望夫石人稔知之肇慶府回會縣西二百里有新婦石夫為高
不歸以望遂化石宋林小山詩瘦骨峻層立海湄綠苔曾是嫁
時衣江郎去作三衢客目斷天涯竟不歸

天涯海角石

成都有天涯海角二石天涯石在中興寺故老傳云人坐其上
則脚腫不能行至今人不敢踐履海角石在羅城內西北隅角
高三尺以有廟今不存

雙魚石

涪州江心積石入水千餘丈夏漲不復見冬春如梁可游深處
鐫有雙魚見則年豐唐宋元名題甚衆四川通志

文石

雲南點蒼山北麓石白質黑章膩若截肪琢為屏幃其最佳者
蒼素分明山川遠近雲林晝暖若天生固畫不眩而走四方好
事者爭購之相傳李衛公平泉莊醒酒石即此也

僧化石

南甸州東十里昔有僧自大理至此坐化為石後兵燬止存其
首土人祀之

鳳凰石

萬曆癸巳詔採雲南鳳凰石百餘有花草鸞鶴形者然僅三四
尺而止

關索石

貴州永寧衛南二十里道旁關索石云關索南征惡此石截道
以戈椎擊之石破為二一留道旁一飛墮道旁因名落石今刀
痕依然

清涼石

五臺山清涼石方九步相傳可容千萬人

松化石

博物志松本石氣石裂而受沙即產松三千年更化為石
太和伯陳萬言家有木假山乃先祖所得以其狀奇巧置于庭
一旦化而為石文理猶木形未幾長女被選母天下求名作記
詩 陸采覽勝紀談

石箭

福建同安縣石箭長二丈五尺周四尺七寸見存又文王射于
豐有石箭在同官縣文王山長二丈五尺圍四尺七寸見存

石木魚

南昌雙嶺下石木魚長二丈餘鑿六十八孔鐫古彌陀佛名

石樹

雲南普定進山四十里有玲瓏石樹一為桃綠幹紅花一為李
青幹白花

石鏡

輝縣西北七十里侯趙川之中湖寺有石鏡半規能照山河人物之影俗稱透靈碑今昏闇云昔有上官欲昇歸至盤山頂忽闇乃復送至寺

石田

貴州城南二十五里相傳有隱士習黃白冲舉之事甚篤忽有道士從假牛耕石田種玉隱士與之方耕治隱士妻來索牛道士怒遂舍之至今石上耕治之跡宛然俗名鬼打耙

水晶宮

盱眙縣東南十里外延亘百餘里以接山陽相傳隋煬帝陸地行舟之道今皆軍民雜處農莊于其間遠而望之霧靄霏翕水光晃漾如翰海停波而蓬嶼星列儼若帆樯往來飄泊每晨灑

露其景愈鮮陰雨迷茫尤多變幻

地鏡水影

濟南東七十五里東平陵城西北有陰地數畝天色澄霽亦若雲陰迫視則無齋乘

鹵城影

繁峙縣東一百里故福都周圍三里百有十步東南西三門其地多鹵故名鹵城俗傳朝霽雲霧中呈現樓堞門內似有人焉現則多雨豐年之北人在西則見在東不見遠分明近則隱其東有齋城其隱見亦同今不復見蓋見則去也

田目

區田

圃田種蔬果

園田築土作圍以繞田者
架田架猶筏也亦名葑田
疆田築土護田似圍而小
梯田謂梯山以田
塗田低水處潮水沙泥
沙田南方江淮間沙淤之田
雄田交趾謂腴曰雄田
表田公用田樣田寧海新志載食貨有表田十頃供摠府進表
之用公用田五頃供官軍藥餌各衙紙燭樣田四頃供祭文廟
之用餘衛同

響地

寰宇記云萊水出襄國西北石井岡傍有響地圍百步人馬上

行轟、有聲極之有火出今無聲 邢臺縣志

里牛

廣南府人謂里為牛地凡四十八牛世經堂集

苧蘿村

華亭馮元成行可游石湖至紫薇村過一野老年踰八十言此
苧蘿村也西施生于此後有富人居此村曰何必尚循亡國女
稱牙改為紫薇其家盛植紫薇耳石湖北有溪古名若耶溪吳
亡後改越來溪世以浙東溪名同此地因以西施為越所獻其
實吳產也元成後問劉子威鳳子威曰然嘗見楊君謙奚囊手
鏡載其事

佛蹟

山西繁峙之五臺山清涼石浙東定海之落陀山盤陀石形模

俱不甚廣登陟雖衆了無碍處任受人必不登牛馬跡

城郭氣

臨汝趙簡子墓上氣成樓臺

息縣白馬營在縣西十五里相傳為唐時故鎮二三里外夏秋間晨望如城郭掩映林木翳鬱日出即不見歲約數次

汶上縣西南周三十里每秋水泛溢一望無際遙視村落如烟波奮靄中又常有城郭人馬之狀出于水上謂之水市關亭在

南旺湖中水際時見烟雲樓臺之狀

靈壁縣林溝湖天地晦暝之際隱隱有城郭狀

霍丘縣大業陂天晴日霽陂中或見城郭之影

東阿縣桃城舖之旁一丘高可數畝每陰雨後烟霧中隱隱有

市井車馬之形

嘉靖二十年貴州城東八里舖平原曠濶每晨日出之時望見

城郭巍然樓櫓俱備日高而沒不知何祥古書云廣野之氣成

城郭江湖之氣成樓臺或者此與景州志

弘光元年正月十一日午刻河南景澤縣東南三十里郭村忽

現大城雉堞樓櫓畢具南北人共見而駭之摠督張縉彥以聞

謂天官書廣漠之氣成城郭今河南茫無人影誠廣漠之氣也

邱報

鉅鹿縣北十里許古鉅鹿之故址也今廢相傳侵晨霧露時城之規模隱隱可見良久乃滅

海市

海市見于登萊然不獨登萊也凡海濱皆如之人不經值故無得而稱焉海鹽周翁家澈浦西門外嘗曰萬曆中于葫蘆山觀

劇忽海上現城郭樓臺女牆內行人如織或負載或荷蓋可二十刻顧其一隅餘漸淪沒

浙江觀察中年張天機石平嘗行郡海鹽登城樓望見海市有浮層高三十仞白雲涵、從之初謂絕島所未有之奇也已而石塘闌沸人皆走且呼曰海市矣海市矣未幾赤壁轟起甃城剝落若堵墻少間色變白危樓數十間涌出其際宮櫺玲瓏金碧如函忽蒼烟飛來複閣盡沒而修竹萬叢松柏槎枒層城睥睨橫亘昇狀烟盡樓脊盡出頓還舊規乃有長橋出于水上隱、歷、車馬無聲樓船旗幟似有人隊介而立其餘若鼎若鎗者幡蓋者盤盃杯鎗者目之所接手之所指蓋不可勝數而又倏忽盡矣石平為吳太史駿公述之見太史記中

嘉靖四年四月廿三日福寧州海中浮來五山自筆架山外而

至峰巒突兀上有草木人馬往來貿易闔城聚觀自午踰申乃沒蓋海市也

劉炳文海舟紀程

萬曆乙未浙帥劉炳文提舟師從海道趨登州備倭四閱月始至紀云乙未上元從台州開帆百里至金鰲山高宗南渡避金處也歷老鼠嶼出琛門風濤猛烈兩礁夾起東西磯牛頭聖堂兩門尤為險阻而五嶼羊嶼昏山黃珠茶鹽兩山皆四面峭剝摠莫繫泊飄逐空洋夜半颶發船各渙散詰旦于靈門山聚舍出金齒門因潮浮至箬竿山復依南田舉夜觸韭山船多破損以回五爪山修稔至點燈礁犯及亂礁洋為藏龍菽倏爾驚觸震蕩翻激水赤天昏龍鬚捲水至半空而倒瀉船皆碎毀幾為魚鱉出白馬礁遇大漠坑依險而泊由浪槽頭轉歷升羅嶼得

登普陀山傍依金鉢孟儼然峙焉出此渡橫水洋入五爪湖移
往廟子湖隨風逐浪直蹴陳錢山其下有大毒信宿而往面顏
盡黃且多患瘡疾及下八山浪齒馬蹟李壻舉皆沙石亂列
其水有綠有黑有淡有辛有苦有臭有清徹見底鰕魚可數有
淺灘如湖蛟龍頭角顯著俄為颶風打出窮洋直抵倭國五島
山轉徑漁山假泊沙侯風息驅灘山過鼠狼湖及上川下川鷹
巢頭諸山再入西洋舉則謂之落滌船凡撒入十無一回乃乘
颶西逐羊山上有聖姑礁盤礴巍我宛如裝砌許山睽睽金山
衛其柘林乍浦澈浦迤邐千餘里又皆控扼三吳者也復順流
而東七了諸港歧分錯雜空礙莫前崇明縣孤懸海外而大陰
新安諸沙生聚甚夥福山直對三引沙傍通楊子江與狼山相
望若東洲河七星港暨河口黃涇河不下十餘口海潮灌浸直
達維揚轉而西行有三槿大橫深泝非予四口張方大樓滙水
姜系掘港五港一望無山其川山窪川漁窪三塞窪狂瀾澎湃
殊甚險剝水紋斑斕因號虎斑水僅得開山無舉可泊至射陽
湖之雲梯閣宿焉適反風解纜自辰至申浪不顧波極目無際
漏下三鼓得抵鶯山之灣問其程則餘五百里越明日朔風舉
帆踴躍碧虛蹀躞于黃混水蹄曰望吳洋依憑延真島此皆從
來人跡不到之鄉但見靈輶老畜三五噴沫相逐大者方丈高
厚六尺殼背亂纓長目席口就磯舒伏迤邐于白山高公諸島
登竹島之巔四顧廖廓惟東海所城甚適其夜三面受風避入
杜林山因陟雲臺山古三元修道之昇處也翼日西北作雲東
南吼風巨浪掀翻桅樯斷折凡三日夜不知疾行幾千里膠瀉
河呷風雖少平餘波犹湧東方既白迸崖滴水之灣隸山東境

上矣去安東衛僅百里須臾潮至開行二三日海天一色並無
畧嶼可以停舟野宿洋飄如浮萍無定泊我堂山至柘溝塔埠
杜家港諸洋越日入膠港補繕壞船過東島依田橫島夜泊福
山島而山若有神上無草木中無穴洞悲鳴有聲翌日至草島嘴
去大嵩三十五里風濕弥漫海面愈賒僅有巨高島棘簪島靈
井山依傍海陽所距咫尺莫能濟焉夜將半犁入魚經上探水
不過十餘丈乃莫耶島也與遼東連界海運所經故道至聿青
島明光山不半潮已達塔島覓泉取水相望佛山濤沫灑灑宛
如一掛珠簾頃刻抵渚里去担山僅幾里上有古蹟路甚崎嶇
附葛攀藤一步一蹶得造其絕頂焉其上復有南天門屹屹秀
拔凌接雲際東隈一洞幽雅修潔者王陽真人煮煉于此騎白
鶴飛昇有雲光宮在島傍多山茶名子心香馥襲人丹井碧泉
崢嶸犄角天然雲房石室也登舟行于馬大嘴見一巨魚橫于
亂礁上長百餘丈其脊如山口濶無鱗令刃其脊總數百人僅
開一肋肉不堪食可熬油揀骨一節計千餘斤而肉內小刺亦
逾尋丈潮迴日落携刺數根而西遇颶風至寧津所成卒蕭條
煙火不過百餘家西有岩石參差十數里乃西楊舍人之墓每
每作崇覆雨翻雲秋則遠去掠人田禾春夏于此邀劫過船換
舵放舟越三百里遙望大洋突起數丈如銀砌玉粧近如噴雪
篩粉俗呼為白蓮頭者是也其山脉綿亘暗藏水底密迤成山
鬱律幾百里皆雄崖劍峯萬里海濤衝注會集秦始皇造石橋
渡海觀日神人驅石鞭之見血至今山石皆紅內有成山衛出
此險道洩、宵行至威清衛所開泊劉公泊其島尚有居址似
舊有遼人在焉不移時入大空島、多浮石即頑鈍砥礪浮水

不沉轉入寧海州外洋盤旋落子窩之裡若清泉寨奇山所又
其杆屏通過福山縣入龍山港至栲栳島乃雲晴雨止轉泊八
角山則見斜曛凝耀磯嶼烟籠始若樓臺錯列繼若城郭周圍
俄而人馬縱橫又俄而旗幟掩映出沒無定變換不常或告曰
此海市也傍有長山島有黑島上多巨蛇產金沙少選抵蓬萊
閣矣自浙適齋計日四閱月計程七千里由浙達直隸延袤二
千七百里自直隸金山衛抵東海所計程一千八百里自東海
抵登萊計程二千四百里 謝肇淛刪畧

古赤壁

古赤壁嘉魚縣北六七十里褚石雄峙即周瑜破曹處樵豎時
得遺鏃沙磧間北岸烏林曹所戍守也懸岸鏃額蘓子瞻署之
曰赤壁其在就湮僅見與弟字嘉靖辛亥華亭莫如忠登其上

記曰長公子鏃石稱與弟云者固嘗偕子由來表赤壁所在章
矣而賦作于黃州要以即事寓言不害為情所託俟好古者之
自定也

物產

五方之產名山多金玉嶺表多璣翠玳瑁豫章多漆荆南多丹
銀齒革青齊多魚鹽

金卅宋時州郡金冶十一

銀卅宋時產銀之監三冶場天下八十四

銅山四百六十七宋銅場三十五

鐵山三千六百六十宋鉄務二十

宋錫場三十六

